


DL
2610
C46
1754
v.6



賴古堂尺牘新鈔三選結隣集卷之十

周在梁園客

豫儀 周在浚雪客 鈔

周在延龍客

黎士弘

魏曾福建長汀人
托素齋文集

上錢牧齋先生書

日者巨源徐子不以不肖無似猥以賤名聞之閣下

曾得讀先生報章今巨源又欲不肖裒集近文令自

通其言于左右然弘則何人也古文章之士欲就正

徐巨源與
虞山先生
于當代詞
人推愧曾
為第一勿
論愧曾詩

古文詞卽
尺牘家言
亦迥非時
流可及

于當世有道。或負鸞其書于車前。或隱其姓氏。爲人
賃舂作食。以求親近。至三年五年。不復得見其面。彼
其見大人先生之難如此。而又不_弘敢自呈其無因之
言如此。今_弘竟聚其鄙蕪之辭。公然識姓名而上之
長者。則_弘之妄亦已甚矣。_弘生三十五年矣。束髮受
制舉之書。雖間收時譽。不無自厭薄所爲。賴先世之
積。頗有藏書。日夕編摩。弟兄自課。約略手抄。殆將二
百卷。爲詩歌古文。亦約略數百餘紙。然亟亟乎爲之。
而終求一言之幾乎道而不可得者。則見聞之不廣。

總。是。文。章。
之。氣。自。爲。
蓬。蓬。勃。勃。
耳。

也。時。命。之。不。達。也。所。見。當。世。鉅。公。有。集。行。世。者。率。皆。
身。都。尊。顯。典。章。制。誥。之。言。多。出。其。手。名。公。將。相。墓。版。
碑。銘。非。得。其。文。者。子。孫。比。于。不。孝。非。其。文。重。其。事。先。
重。也。弘少。且。賤。不。得。入。承。明。典。著。作。又。生。長。萬。山。中。
不。接。于。大。人。君。子。卽。使。文。可。駕。賈。班。言。可。凌。崔。蔡。亦。
何。能。無。懼。而。笑。不。戚。而。啼。以。一。發。其。胸。中。之。奇。乎。因。
嘆。史。遷。才。高。一。代。其。所。著。書。爲。古。今。冠。冕。亦。曰。家。世。
史。官。去。秦。楚。之。際。未。遠。又。親。見。孝。武。之。世。王。侯。將。相。
偉。績。豐。功。登。封。戰。獵。之。雄。宮。闕。樓。觀。之。美。故。其。文。魁。

奇○跌○蕩○與○事○俱○傳○若○司○馬○長○卿○才○非○不○敵○也○所○著○惟○
子○虛○上○林○諸○篇○告○巴○蜀○一○文○餘○無○所○表○見○于○其○將○卒○
特○著○封○禪○一○書○猶○李○廣○數○奇○恨○不○當○單○于○此○自○文○
人○之○習○欲○用○其○所○未○足○耳○史○公○遂○謂○相○如○卒○後○五○年○
天○子○果○祠○后○土○封○泰○山○卽○推○量○之○過○也○假○使○弘○不○舉○
且○賤○少○微○天○幸○蚤○致○通○顯○能○一○望○著○作○之○林○又○所○聞○
所○見○少○半○史○遷○之○時○又○所○接○于○大○人○君○子○得○如○先○生○
者○一○二○輩○雖○其○文○之○傳○不○傳○不○可○知○抑○豈○至○僅○以○月○
露○風○雲○作○此○寒○儉○無○聊○之○語○與○砌○蟲○春○鳥○爭○其○音○節○

哉。弘之所以自況。誠不自量。而以槩乎天下之有才。而不克自盡其才者。則不能不爲之三嘆矣。先生人文位望。當世所宗。以後進小生通辭之始。卽當援引盛德。布請教之誠。而忽敢率爾發其狂談。恃先生之廣大。憐其無成而進其所不足。亦藉以爲三隅之反。望先生之復之也。敬上所著雜文二十五篇。望門遙擲。惶悚可勝。

候李元仲業師

弘以丁未八月。裁缺離信州。十二月爲

家弟

掛吏議

賴古堂

憂愁駢積之時，不獲上一言起居左右，疎濶之罪，上
 通于天。弘一官不效，再補山城，進退周章，徘徊失志，
 愛我者，猶妄冀其補失晨之鳴焉。正如鹽車之負方，
 增而欲啓其騰驤之路，卽伯樂當前，安能使之長鳴，
 而仰沫乎。記辛卯北去，曾于維揚遇一老僧云：君他
 日必達，但筮仕多在西江。今草次兩階，前言如券，知
 緣分有限，墮地已然，真無用此勞勞爲也。蘇公所謂
 勝固欣然，敗亦可喜。弘殆將以半生之宦趣等一日
 之棋枰耳。旣已落落無所措意，所不能忘者，惟詩文

一事竊見當代作者各有短長似向時之病在割裂
近日之病又在粗淺規步者僅得皮毛短才者失之
單薄夫折腰齟齬固足爲妖使徒奉一結頷推髻及
單襦絕粒之人謂足抗舜光而凌鄭旦行道之人皆
笑其不若矣近讀老師全集不覺俯首至地高奇峭
削無徑可尋向馮密庵先生曾謂吾師之文得漢人
氣少秦人氣多非此公巨眼如箕誰能發此未發之
論讀吾師之文一過再讀近代之文真若飛仙劍俠
偶落人間豈復與曹曹世士數論其黑白哉當世未

又得歐
之神

有能爲吾師之文者。未有能爲吾師之文。則天之所
賦。不可得而強也。弘志薄才疎。賦于天者。既不敢望。
而人間之言。又學之。而有願不願焉。弘之斷斷無成。
亦已自料之審矣。相隔萬山。無因日侍尊前。以教其
所不足。一官腐鼠。抱恨無窮。尊稿已謄副本。致之櫟
下先生。共相訂正。謀付梓人。先生近雖多事。然好文
如渴。遲當有以報命。付去小稿一冊。是弘理信時一
二讞語。知不足塵觀聽。然六年苦心。猶與其萬一有
存者。是又弘之妄念不已也。

東堯夫兄書

弘
去夏爲漕事孔亟。四月江頭。今春又值季慮因半
年會省。愛憎移中。習久生厭。天下事大約皆順嚮。甘
蔗愈進而愈淡耳。近有維揚陳山人爲當事延至。其
人奇術如左慈元放。亦負建平相人之名。謂弟可以
入世。累骨法合應得仙。雖其言頗涉妄。私心竊喜
之。稽謂仙不可學。獨是目下覺得是非榮辱。正是
如此。每伺候大人公卿。見車騎滿眼。鼓吹動天。反作
寂寞空山之想。是宿世慧根。尚未漸滅。殆盡故偶一

非身有仙
骨者正未

必有此想

續陽集

卷之十

五

觸之便如逢故物。他日歸來。或不至草草山川遙隔。
無因一至尊前。吐此積悃。小詩三首。令兒子錄呈覽。
笑知風塵小吏。猶能于簿書忙雜中。作七言八句。此
等胸次。殊堪自慰也。

與丘慎清書

慎清足下。邇流上都。無過眼文書。偶得三疑。亭思之。
數日。盡得理解。殊足樂也。其一。他人聲音笑語。一聞
輒辨。卽舉念憶某人聲音何似。皆必然可數。惟已之
聲音。則自揣摩。不定。其一。他人面目。覩記皆真。強記

心細如髮
推見至隱
可悉楞嚴
七處徵心
之義

者如古人見車師半面十年後猶復識之惟已面自
少至老宜相習晨而照鏡頃而失之即寫生家猶有
一見他人而私自臨模輒肖者若刻畫已面則必對
鏡含毫始克恍惚人未有一凝想而即能自記其面
何等者其一平生所見麗人夢寐間尚復可想至觀
畫美人圖即精妍極致當前非不奔悅掩卷都忘何
故再三思之惟一心而已人之聲以心察之也既已
察之則能記之矣若已則心動而後有言心隨言出
既以一心出言又安得有一心以聽已之聲乎人之

又以冷淡
語銷之

面目非盡面目可記也。相得其神情于面目之外耳。
已之神情既不能自見。卽對鏡亦必正容。端視正容。
端視神情先失。故從無能自記面目之人也。人之面
目。易記。畫中之面目。不易記。生動不生动之別。與不
能記已之面目。同一理也。乃知天下無意味事。極耐
人深思。人苦習然不察耳。然非天下之至閒人。安能
作此無意味之想乎。卽年兄開極。又肯作理解敬馳
以相聞。

與林爾于

愧曾于筆
書紛紜中
以文章自
娛今以循
卓舉矣以
文人而精
吏治信是
兼才

歸路讀紀遊諸稿。皆各機杼自生。上掩韋孟。至于賦
頌之章。古人云才大須是作賦。又云讀千賦乃克爲
之。歷觀近代所號爲能言家者。遠如楊升菴。盧次樞
無論。若陳人中。未免襍績奇言。王季重頗傷諸語。惟
章門徐巨源。驚才風逸。節敘橫披。巨源云亡。典型久
爽。何幸更得爾千也。匪獨以張吾閩軍。吾不知千百
年後。位置爾千回中。白蓮諸賦。于子虛上林何等耳。
山城爛熳。紅葉滿谿。意欲擬秋山紅葉一賦。以傲爾
千。而舍毫五日。謀篇不遂。人之才分相懸。遂至于此。

假使爾千釋不律。俯而縮半通綬。理百雉城。守五尺簿書。不識逸致閒心。能復如此否。才不才。有時傳不傳。有命以至。忙至俗之小吏。而猶欲撫連文事。與爾千競。一日千古之談。真可謂當車之螳臂矣。詩筵博觀。戔戔匪敬。綽望付典書。

復李化舒

文章一道。以自立者爲尊。從無有依附他人而能聲施于後世者。司馬之前無司馬。退之之前無退之。近代諸賢。無不爭唾抄襲左國者爲臭腐。至其所作古

文訓步武歐曾不敢失尺寸。形骸土木神彩都無。僕
謂其弊正等耳。此又如劉安仙去雞犬食其丹餘皆
能冲舉。冲舉小復異人。何至終爲雞犬寧槁項死終
不願此白雲鄉。妄繫仙人之屬籍也。僕近疲甚。偃蹇
一官。仕且廢學。周章人事。錯慮忤心。既已不屑食其
丹餘。而又日以蒜汁潑面。金書玉簡。將忍待他生。惟
日夜候雲氣。看化舒飛去。得從望空遙禮讚嘆。非常
足已。昔人有得長生之藥。不自食而強以進人者。如
僕也。何以殊。是放筆無聊。引喻失義。千里外當發化

舒一笑也。

示諸弟兩兒

少年略賦才性。易入任誕豪爽一流。世說一部爲案。
後生不淺。不知古人胸次。各有一副本原。若止辦得。
東塗西抹。博得一二顯者好語。溫言便無故而箕踞。
科頭。希踪嵇阮。顏之厚矣。識者笑之。大約今之所謂。
狂者。率皆妄耳。

生平見假
高曠人未
有不俗者

示兩兒

向作詩苦無題。今得題亦不更作。一着筆便可得二。

入人口中
此心中
必如此
坡公喜
醉人推
意

三十紙蓋隨意爲快取適性情行固自歡止非興盡也緣向名場大熱恐落筆不爲元李劉白天下不復知有我在今偶思得如隔屋論人臧否彼人何用得知則茫茫四海杳杳千載後卽沉香作像鑄銅爲身彼自像自身耳亦復何與我事我墮地始立名字是他日呼人元李呼人劉白安知非我正恐實認黎生安見非他人耳以此名心轉輕詩趣轉活詩不爲名生固可終身不作亦何妨一日數作也閒中念此尋味無盡要欲兒輩知之

何 綱 省菴福建晉江人匪莪先生尊人

與鄭邑博書

正雅之章
可以鎮儻
式靡

惟昔韓昌黎有言。士不得爲宰相。得爲諫官足矣。以
生言之。士不得爲諫官宰相。得爲師儒亦可矣。蓋師
儒之職。雖不得與宰相諫官並然。所以成就人才。培
植風化者。正在此。是其職之清簡貴重。非他官可比
也。况師儒之職。舉則他日所以爲宰相諫官者。盡出
其門。下天下事。何必身親爲。然後爲榮且盛哉。惟祈
先生以道德文章自重。則人自莫敢以師儒之職而

輕先生也。

周 嬰 方叔初名中規福建莆田人

謝朱中丞賚葛

爾中周方叔與蔡敬大同以駢詞名而方叔較敬夫尤為顯明

價正越荃聲高鄭紆雪華奪麗蟬翼慙輕昔阿谷所遺惟贈佩璜之女苹澤所賜徒歸索葛之容未若惠出上公恩覃下士衫堪以表紕可相蒙躡優赤燦掌節丹衢總轡固已涼生舉袂爽起

謝賚綿衣

雲檐降授鮮服曲頒既辟謝萬之寒復稱張融之體

遂使帶繩枯槁坐改舊容見肘檻褻頓更新飾自憐
袖短每內手而知寒彌幸裾長尚及門之可曳

謝賚梨

上林縹蒂未如津潤之奇籊谷金柯謝茲融液之美
地仙可致子橫之記有微輕身自舉曼倩之經猶信
豈徒煩餽頓釋酖酊立除但恐石城靈實不得懷歸
哀家珍果見啗蒸食當鑽念德取小知恩

謝生日宴

觴薦流霞不慕青田之核盤行擬脯自輕黃臙之珍

不使熟事
便自增逸

能於空行
中見整暇
是第一流
筆法

某
蹌濟玳筵從容綺席應同王子奏琅璈之音有似
曾孫與幔亭之會身登雲日非假阿瓊之方壽極乾
坤還效君山之頌

張光世

行秘福建莆田人
不履園集

簡岳石帆大司馬

先生曰客之過我者三日便有不同光世不敢當先

生之客安敢當先生之三日先生又曰讀行秘文知

行秘

天下才則先生已許以不同何待客三日雖然

光世

之稍有不同皆先生日者飲食教誨之力三日

之客又烏可已。今既客三日。光世有不同乎。飲食如故。教誨如故。則其不同者。光世不知。先生亦不知。歸白門時。故人望顏色。覩笑言曰。何物。行秘。忽然改觀。光世謝先生矣。佳刻種種動人。各再錫數部。爲先生廣之。

陳肇曾

昌箕福建侯官籍長樂人

與友人

偶見謝獻菴答應仲謀書。竊謂其言之不無過激也。夫遊客之惡。誠可痛絕。至謂近者士大夫莫不皆然。

達客誠足
惡然禁天
下士裹足
不出誠亦
大難居官
閉門不見
一客亦非
盛德事宜
富貧言之
切也

此語亦覺過當。夫與勢俱往，與俗俱波者，中人也。知
勢俗之所趨，而確然以聖賢自守者，君子也。天下豈
盡皆依阿，渙忍，希望恩澤者流？今鄉黨自好之士，然
諾不侵，廉潔誠直，不乏其人。卽閭巷布衣，有共財同
利害，慷慨者，亦復不少。而謂衣冠濟濟，禮義交接者，
皆浮薄，不自愛之，徒此言，豈不過激哉？古士相見之
禮，人道之大也。所以使人重其身，毋適於辱也。所以
使人審其交，毋適於禍也。如所云昏夜乞憐，不得則
肆意詬罵，同遊無賴，一唱百和，誠或有之。至云遭讒

被罪。皆游客逢人。謗議舒洩。憤恨之故。吾恐客之惡。未必若斯之甚。其力亦未必能擠排汗蠚之。至于此也。男子生而弧矢以志四方。固欲其遠陟遐攬。不跼踖。歸下。乃以細人之屑。見儉夫之鄙情。欲驅天下之士。盡爲於陵丘蚓之行。亦已難矣。今之畜養士卒。率多椎牛灑酒。非以醉飽爲德。亦所以增士氣也。至於養士而與持籌小吏。日計口腹之贏。此何爲者。而尚自德色。謂加膝墜淵。唯其所欲。不亦陋歟。毋怪夫今之人。率以資厚勢大者爲雄。長而講古尚友之士。遇

讀此札兩
公法門何
等開濶世
之紛紛爭
執者何爲
哉

之。而。不。致。其。肅。祇。恐。世。之。蓄。道。德。而。能。文。章。者。亦。不。
必。能。杯。酒。往。復。忻。合。膠。漆。也。偶。見。獻。菴。此。書。有。動。于。
衷。故。切。言。之。然。僕于。獻。菴。實。未。嘗。有。所。牴。牾。矣。

釋道忞

本陳廣東和平人
弘覺禪師集

復棲霞浪和尚

道。以。情。封。知。以。見。隔。舉。世。類。然。獨。不。慧。衰。鳳。自。慙。乃。
吾。師。逢。人。說。項。曾。不。以。雲。月。是。同。谿。山。各。別。爲。限。直。
欲。混。四。海。以。爲。家。破。町。畦。而。一。之。此。豈。尋。常。所。可。測。
識。哉。

畢竟生死
大於毀譽
無可奈何
原非了生
死

結廬集

卷之十

周 鏡

遜夫江西清江人

與人

人情難過者。生死毀譽兩關。生死至無可奈何。亦畢
矣。而毀譽一關。賢者未免動心。然碌碌者苟而已。不
肖者自便而已。其毀譽原不計也。夫不察士之真與
人情。所以不免。而定其中焉。猥聽浚恒之吹疵。以苟
且不肖。爲超毀譽。而責賢才之俊。以賢不畏死。爲超
生死。而責雍雅之士。豈不冤哉。

甘 亮

欽采江西永新人

飯晉人尺牘

答人

君問耳順且知耳逆聞逆耳之言而順斯可通矣

史桂芳 景實惺堂江西鄱陽人

與陳汝特

痛哭之言使人容身無地

負人數十金有日償之方不負人但恐負天其罪何贖天之賦與我者萬善悉備全而歸之方不負天償一善虧欠悍然以死無路可償是爲終古欠債人也

鄧漢 遠游江西新城人

與人

時方當王
李末流禁
人崛起之
會遠遊此
語實爲確
論

紉隱集 卷之一

僕
十歲喜誦唐人詩。年十五始學詩。生長寒素。衣食
多累。三十成進士。州縣爲勞。徵拜御史。需次邸舍。朝
請多暇。謝絕人徒。悉取毛詩楚騷。下逮三唐。細閱而
深思之。神明默識。霍然悟汗。乃知我代諸公之學古
人。都在形骸之外。

徐世溥
巨源江西新建人
榆溪遺集

寄克明上人書

稔聞和尚道風孤峻。思企有年。閱歷滄桑。始展欽矚。
蓋漢武恨於相見之晚。蒙叟寬其旦暮之遇。殆兼之。

別是一

別集

矣。日昃遙還。未伸小叩。如田。廖。兩生。下嵩山。折花
酒。有。步。步。惜。別。之。感。淺。學。於。道。未。有。聞。也。而。自。幼。志
之。然。非。同。社。所。能。知。也。亦。以。茫。昧。不。敢。輒。與。人。言。竊
以。三。乘。五。車。本。無。二。諦。顧。其。教。令。不。同。門。徑。遂。別。其
在。六。經。諸。子。者。若。求。簡。盡。莫。過。中。庸。如。其。閑。暢。則。無
踰。莊。子。寓。言。十。九。重。言。十。七。已。該。三。部。卮。言。日。出。因
以。曼。衍。遂。有。五。燈。南。嶽。二。枝。青。原。三。葉。自。老。馬。石。頭
而。後。如。黃。蘗。赤。眼。者。幾。人。五。家。以。後。如。大。慧。黃。龍。南
者。又。幾。人。邇。乃。鈔。纂。重。刊。居。然。自。命。印。祖。以。弟。觀。之。

此時已盡
靈其端矣

泰和蕭氏
兄弟父子
每有見道
之言

系陽集

卷之十

五

似太早矣。故嘗閉口不言。遵昔賢之戒。有爭氣者。勿與辯也。雖然。此風不止。使臨濟爲曹谿之罪人者。必時賢也。葉落歸根來時。無口談何容易乎。一詩致虔。五絕獻笑。倘以爲可教。尚圖襍被求比。永嘉一宿也。蕭士瑀次公江西泰和人陶菴集

與人

李長蘅贈人以三言。謂嗇以奉天。異以合倫。斷以制欲。能奉以周旋。可兩忘於天人相與之際矣。

又

言有未行而先紀者似違往聖之訓然余有私憾焉
意中之事一筆諸書若宿債之迫身身必償足而後
快又如負重行遠跬步未到終非駐足之地欲藉此
以鞭其後耳

又

日奔逐不暇究竟于自己分中毫不相干殆永明所
云向不遷境上虛受輪迴於無碍法中自生繫縛者
也爲之浩嘆

又

次八有陶
菴雜錄與
伯玉日錄
俱有遠韻
深致蕭氏
何多韻人
也

續隱集

卷之十

章大力云。家庭之接。當勉率禮節。以轉持天性能。勉雖非自然者。然整飭朴心。將導迎不及。故節文。所以習敬。習敬。所以養愛。養愛。所以成恩。若朴鄙而無章。箕踞偃仰。以蕩然于嚴親之側。親雖得親于我。不得尊于我。所以孝弟者。亦恃半而往者耳。故聖人多言勉強少稱。天然有父兄之責者。味此言。可使子弟無踰越之愆。有子弟之職者。味此言。可使父兄享恩分之利。法言也。

又

跋遺稿
漫筆之文
忽得此等
讀直覺字
字不費推
敲

其固然。天地萬物俱為妙道之行也。然嬰兒自於
屋廬轉以正告之。爾自眩瞽。屋實不轉。彼必不信。茲
未能立於不傾之地耳。僕最心折者惟虞山之文。尺
寸必謹於成法。至委折奇致。不煩繩削而自合。如駭
雞。碗四面視之皆正。豈若院體書以無復增損為法
耶。

蕭伯升 孟昉江西泰和人

與減齋先生

閣下高名照耀古今。伯升方在穉齒。固已服習閣下
有餘而波

滿甚老成

系陽集

卷之十

二十七

國門之業矣。維時年力未充。如管公明。不得三升醇酒。不敢遽見長者。逮及弱冠。晤王大允。使君於湘江。因得盡讀閣下所著詩歌古文辭。心竊向往。會逢喪亂。故未遑也。年來侍竹。關於青原。交伯璣於南浦。又幸以編氓故舊。伸交情於長汀。愧曾黎公。每一促膝。未嘗不嘆閣下今日之龍門也。其汲汲於表彰先賢。獎掖後進。有古昔偉人所不能及者。私心徘徊以爲。使伯升得緣先人遺緒。一拜閣下於床頭。其爲榮藉。何可勝言。旣而思伯升樛材耳。自顧無尺寸之長兼。

多難之餘。精彩銷亡。何以見閣下。於今日則又未嘗
不感奮躑躅也。然每得閣下選書。輒珍重之。不啻中
郎之祕論衡。獨至大選。所載某君札。知閣下垂念先
太常之厚。而某妄謂與先太常交莫逆。萋菲之詞。銷
骨毀肉。則伯升不能無憾焉。曾一白之長汀黎公。蒙

公久之以台札見示。閣下之虛懷期物。

伯升

伏讀感

泣。益信閣下文章之友。與閣下及門之士。向所謂閣
下之汲汲於表彰先賢。獎掖後進者之果可徵也。夫
以閣下文章之友。伯升得而侍之。及門之士。得而交

之而獨不得先容致賤名於左右者則伯升緣分之薄也然既因長汀公聞於閣下矣則伯升區區之誠又何待先容而後引頸長鳴以酬知己之賜於萬一哉謹略陳固陋并載拜上所刻先集三部刻書六種悚候斧正伏楮覲縷竟忘卑賤伯升死罪死罪

金光弼

右辰江西永新人
金竺山房集

與友

昔吾先子謂

弼

曰子識嘉隆之詩乎詩盛于嘉隆而

衰于嘉隆者也齊天下之門哇于一途而天下無步

趨也。約天下之性情于一模。而天下無性情也。倡者
用一事。用其事者。徧天下。而天下無博洽也。作者構
一句。用其句者。徧天下。而天下無自得也。其卒格太
同。調太熟。蓋至於今日。而幾乎套矣。吾江以西。自陶
潛。劉春虛。王季友。諸家來。往往超然自爲一境。不共
世。人生活。迄千餘年。遺風餘烈。弗改于興。允矣。其于
子美之氣格。摩詰之丰神。或未盡悉也。蓋海以內。詩
主同。而或脆于骨。豫章詩主獨。而或格于趣。兼諸而
出之。實有悟門焉。不可強也。小子勉哉。彌魂驚而走。

豈以舉世所難而小子獨異乎。先子曰不然。雖有騏驥弗前則却。駑馬十駕所及乃止。但一門深入。山盡水窮。真境自見矣。受廸以來。讀書金竺山中。山有靈蛇。犯者雨如注。元坐焚香。廣擷冥求。亦既有年。然以聞中故業。不得專。又嘗一月以十五日憂。麴藥事無暇點竄。用志旣分。神不王矣。念涉世多故。頗負牢騷憤激之氣。不能屈曲從人。強所不諧。中間沉升。聯合之感。靜攘險易之變。悒悒誰語。悉發之詩。高秋悲涼。風勁弓鳴於境。似合。積時成帙。不敢示人。敬以呈足。

下惟教之

羅牧 飯牛江西寧都人

與人論焙芥

芥。妙。于。生。手。妙。于。熟。難。在。于。勻。已。如。法。矣。猶。有。出。入。不。自。知。也。始。以。細。心。而。得。終。以。忘。心。爲。至。

陳允衡

伯璣江西建昌人家南昌勤補堂願學集

復櫟下先生

承示古文。未可專事簡朴。深感至教。衡亦竊有所窺。

如近人古文。又間有病在不能簡朴者。率取類書成。

語鋪揚過半。借爲已作。忽于中幅取其人姓名以傳會之。雖纍纍滿紙。令讀者欠伸思睡。如昌黎荆公贈送序。短章居多。其味外之味。玩之無窮。卽五言古詩十九首。與陶謝諸作。不過數行而止。少陵始變爲數十韻。百韻姿態。雖復橫生。神韻未免頓減。非敢嗤點前賢。要亦時代升降之所必至也。昔之北地。今之孟津。推尊少陵。然孟津不及北地。積漸又不及孟津矣。未得其妙。先趨于率。江夏清空如話之言。遂爲粗疎。藉口有識者。不得不以中晚救之。景陵謂假初盛。不

若真中晚景陵之詩。或有疵。此論則深于風雅性情。殆不可廢也。虞山闢景陵。而列朝詩集格調總近中晚。且多宋元逸致。先生試一覆之。虞山之深于少陵。正如禪家從門入者。不是作家。難與淺學拘儒言耳。仰恃知愛。忘其妄誕。惟先生終教之。幸甚。

復愚山先生書

昨冬拜別。此心依馳。累夕不寐。古云感恩有之。知己則未。若先生之視衡殆兼之矣。衡每自矢無繇報公知遇。惟益自勉于文章行誼。使海內始終稱公取士。

之明。差爲不負公耳。頻年戀戀東湖寂寞之濱。忍飢
僵臥。不敢出而曳裾彈鋏者。微欲一矯靡風。全三四
鉅公之知也。今先生與柴雪晴鶴兩公俱去西江矣。
回思十數年間。衡之所以事三君子。與三君子之所
以期。衡者。卓然以古人爲程量。不啻昌黎之於李翱。
永叔之於子瞻。豈徒以其斤斤自守而已也。今忽漫
遠離。高談無所與陳。微文無所與求。則。衡之抑鬱無
聊。將有不止。戚戚於貧賤者。不知先生何以爲。衡念
哉。柴雪公持別低回久之。衡相與約曰。若公林居。與

文心
物外如面
家作遠村
深樹遙遙
在人意中

愚山公家食衡或扁舟過訪于石曰春穀之間不百
里而兩知己草堂相望使陳子者仍得析疑賞奇如
追隨西江時誠稽呂佳話惟晴鶴公卜居無定未免
益難爲別耳先生聞之得無重有所感耶

賀貽孫

子翼江西永新人
心遠堂集

復謙菴先生

有人譏正人無用者嗚呼此先生所以爲正人也世
衰道微以無用爲福吾求無用久矣今倖得之方以
爲喜豈反爲訾病耶且大有用人其精神不令人窺

彼所號爲有用者皆非正人所謂有用而正人所謂有用卽彼所謂無用者也。彼且以猳獠爲渭水之熊。以蝮蛇爲南陽之龍。如是者既有用矣。此渭水南陽所以甘爲無用。老死而不悔也。而彼且以爲譏。則其人之不正可知矣。但其人再三申辨。則望置之勿問。以靜嘿杜姜菲之口。此真長者之行也。又承論云。族弟忠矣。於先生所作易傳。肆爲譏評。先生易傳。毋論索解人不易得。設有解者。能別立異論。往復辨難。此正先生所亟收者。恐今日無其人也。若不能而妄譏。

無。論。當。與。不。當。皆。是。學。人。從。人。之。路。

則忠矣。原不病狂。何至於是。且其言曰。作傳於程朱之後。是謂多事。果爾。則程朱已多事矣。孔之十翼。文周繫辭義之一畫。皆多事矣。嗟夫。經傳所以不明者。皆由庸人。端已守殘。帖括而外。無所事事也。苟能多事於聖人之後。是乃聖人之徒。苟能多事於先生之後。是亦先生之徒也。夫如是。則譏先生以多事者。譽先生者也。自諉於無所事事者。自譏者也。以譽爲譏。又自譏焉。忠矣。卽病狂。亦決不若是矣。

爲亡姊莊烈君乞詩文箋

脫略途徑
之外最有
意

竊惟三閭介矣而其姊以爲規懷英通矣而其姊以
爲誚兩公各有所就卽二姊亦各有所成婦人之賢
實難測識若貽孫者爲介未能爲通不可全軀泉石

負慚良多獨亡姊以罵賊投江克承先訓不但屈姊
讓其慷慨卽狄姊亦應羨其從容幸逢我公主持風
化若復不乞一字以彰義烈將何面目以對姊魂是
敢披陳大略仰備採擇伏祈錫以篇什樹之風聲庶
幾江上死蚌猶含明月龍門枯桐尚抱徽音其爲功
德曷可言喻夫廉耻所在死或輕於鴻毛名教所依

言乃重於秦嶽。蓋其所輕者必有所獨重。而後重者始托以爲重。然則我公之言固幽壤所含笑以俟。而亡姊之事諒亦我公所醺筆以需也。曾何惜於表揚而猶待於請乞者。骨肉之情不容嘿嘿耳。

劉光震

肩吾江西永新人子雷奮龍奮皆有文名翼雲堂遺集

復趙雲侯孝廉

憶門下薄遊而入閩。閩固財賦之區也。入閩而逢寒。璫之不肖猶采金山者。必棄石探淵珠者。必汰沙也。門下不棄之汰之。而氣味沉酣一月。若久千秋。若暫。

至今念之似仍置弟於清漳鱣堂之上彷彿與門下
解衣磅礴之時也快矣幸矣今歲南宮之役弟遇同
人必問門下至否以卜是科得人與否若韓張兩公
以子瞻兄弟未到請展試期惜哉其心是其力非而
門下亦竟不至矣拊心才難寧不三嘆弟仲冬自北
徙南入水署則白雲封戶殆足擬深巖跌坐者雖無
從作活而神情甚恬淡寡營幸免於過即人不免終
過之弟亦心不愧而色不沮唯此一節差堪爲故人
道其他非其事且非其能也門下薄遊之計非專室

生橐中裝乃子長寄一部史記于名山大川古蹟都會間如此則雖遊不病且有功矣。

復羅紋山

開函捧誦何年臺之善自挹損至此弟意花不必較茵褥潘涵總是旦夕必盡之緣故不若看至結子時一着何如古之行道濟世偶有所格不得直遂迨其後也身榮而名立此正結子地位年臺當無多讓也何屬乾


不息江西廣昌人
玉尺堂集

寄弟鼎臣北上

情名上
體而往往
失之究竟
宿之失
未必盡
真文

清才無兩。屢艱一第。承詢所由。猶向盲問途也。大約
吾輩立品。不可不真。作文。不可認真。立品不真。則爲
君子所惜。爲小人所托。作文認真。未免眼高手澁。從
來名宿入場。思第一人。寃成局。外人皆四字病也。此
際相遇。妙在有意無意耳。劉孝則甲戌及第。東曾堯
臣曰。今科率筆爲文。乃得之靜思。此語益知相遇在
有意無意矣。愚於此道。殘牙鈍齒。老作阿婆。與吾弟
寧爲真人品。毋爲真文章。斯兩得之。

結隣集卷之十終



賴古堂尺牘新鈔三選結隣集卷之十一

周在梁園客

豫儀 周在浚雪客 鈔

周在延龍客

蘇惟霖

潛甫湖廣江夏人
西遊札子

與吳浮玉

弟 病苦無賴。道力未辦。不無憂生之感。故不得已而

有是舉。人生色力壯健。能幾時。不以此時大作佛事。
利生自利。而丘壑爲高。則枯槁寂寞之腸。大雄氏所

世人皆認
佛氏爲枯

謂焦芽別種。不堪紹聖者耳。若不出此而避人觀望。是市井駟儉心腸。豈有豪傑而算利計害爲烏紗長命圖者。弟之徑情直遂。略無回互。仁兄所習也。無如病何耳。

郝承健

惟順玉吾湖廣京山人

與李太史

自往年七月後。不得吾丈一訊。私心竊訝。謂吾丈遂已忘之。迺胡文源歸。則謂吾丈猶時時念我也。文源出示所贈乃翁大作。鄙人莊誦數四。愛莫能置。文在

茲矣惜不能多致爲恨僕蚤乏師承長甘自廢

技本不宜漫有言說間以狂瞽之識蠡測之見恒思

有以請正于下執事夫今之爲文者刻畫以求工點

綴以較勝則曰可以爲文矣嘗竊思之季子延陵之

誅纔一言耳而千載誦之猶堪下淚荆卿易水之歌

纔兩言耳而一時聽者靡不噴目空梁燕泥景寓目

前青草池塘語涉神助此豈專在於言語文字間哉

抑其意妙天然者固自有在也假令此數種語傳後

人模擬爲之卽如拙工之画衣服楚楚而索其風神

似唐劉子
元之文論
亦言雅光
景常解

靡然無有所謂與優孟無異者矣。僕非知文者每羨

足下博雅宏肆奇調古思方其業舉子時已自不拘拘于有司之尺度矣矧今以文樹幟以史業官裒石

渠之秘而博其趣羣金馬之彥而極其音匠心獨運迴出凡流者不知其幾千萬種然僕之所望于足下

者則不在于刻畫點綴之工已也夫刊落舊說成一

家言此最不朽之盛事以吾丈之富于年富于才又

富于學其爲此特一加意間耳近與一友人偶談及

此渠乃曰方今之時作者大備凡今人所能言者古

筆勢振盪

似有微蘊
于大泌

人皆已先言之淺學之士涉獵未周偶有所見便持之以爲新語不知其皆古人咳唾之餘也此大不然且如漢高安劉必勃一事自遷固而下未有發其微者千餘年後却做蘇明允看破作爲權書雖使高帝復生將不復辯卽此推之天地間道理昔人發揮未盡者豈止一端而已哉今且不必遠求只如唐太史竊符救趙論常州新建關侯廟碑此等議論亦何曾有人道得來試使吾丈爲之當尤必有出于此者非僕
蔑蔑所易窺也別吾丈久無從商確援筆不覺狂

心至此，吾丈不以爲妄，尚其有以鞭策之。

曹胤昌

石霞湖廣麻城人
蔬堂文集

上倪伯屏書

某伏草土中，讀先生之書，垂十許年，以爲當代有范
富歐陽，而昌福不如明允，深用嘆愧。及走金閭，泝鹿
城，先生儼然在鹿城之中，而不敢潔贄以聞者，理弱
也。然竊有感者，先生奇才偉負，自宜陟木天，鎖闥之
班，而辱以五聽之司，厝之萬難之地，此何爲者？應龍
摩天，光影萬丈，天下之所仰爲風雨也，而枯河束身。

筆勢詞章
亦如應龍
之天天矯
矯風雨百
變

則備夫孺子皆得而困苦之。且是物也。需澤以爲施。
生而鱗爪亦足以觸物。故威靈之隆。爲螫毒所不嘉。
文章氣岸亦吾黨之所謂鱗爪也。剪剔而刊落之。則
不足以爲龍矣。今世所稱縉紳先生。相率爲偶人之
揖拜。息深至踵頭俯至地。而其苞苴之委輸。又未始
不如庖丁鼓刀。悉中肯綮。以是致高官。膺臚仕。斯得
耳。若夫當世之士。推論人物。則齒唾之所不及。先生
今世之指歸也。某家衡南。實知衡。衡之傍爲峰七十
有二。皆環翼拱服。今年春初。上雨花臺。則尺阜短丘。

靡不俛首金陵者。先生于此日。不猶是哉。李門郭筏。
固自以得到爲榮華。何必求通。遂稱于澤。與以若所。
千亦有之。琅函禹穴之書。多多益善。高文奇字。落落
星斗。雄談偉論。滔滔江河。坐其百尺樓。而壯其觀聽。
亦先生雲雨之施膏。我芄黍者矣。

與李元美

遙聞翻江墜素之餘。更有紅拂党姬之遇。此雖亂離
之快事。亦懼歡樂之不長。况西陵羽檄。非天台靈藥
之山。南陽草廬。豈大夫功成之日。而我元美銷磨慷慨。

慨埋葬溫柔。按度麗華之詞。流連金谷之飲。是所
大惑也。古來權臣握鉞。雄主側目。則有歌舞以見其
途窮。田園以示其終老。亦有日暮疲策。豪氣不施。彼
其深宮酣舞之懷。要卽祝宗祈死之意。而我元美處
盛大之年。當盤錯之會。豈有汾陽震世之勲。信陵招
忌之的。而婦人醇酒行樂不休。泥淖爲安。忘其陷沒
者哉。桓元子亂世之桀雄。猶以客言盡遣婢妾。况我
元美堂堂之士。乃甘腐此七尺乎。弟向坐是。今乃覺
悟耳。

與周簡臣

長塗廣陌不問而知其清明。鳥道龍阡相顧而難其。
第塞五都之市。百貨之所貯也。三尺之童亦得以步。
履於其間。而叢蠶翦翳。卽非孫鳥不得以爲升處。先。
生所著凡數十萬言。曷嘗有奇文難字。詰曲聱牙者。
哉。然其義類弘深。意旨洞白。是昔者伏羲文王周公。
孔子所爲進退所爲是非者也。上下數千百年之間。
焜耀者以爲日月。晦昧者以爲鬼神。孫樵劉蛻之文。
吾以爲不如子長李賀盧仝之詩。吾以爲不如太白。

吾以爲不如天下亦以爲不如雖彼四子亦自以爲不如也。先生言滿天下而化域一方則大用其言而小用其人是明允所云棄天者之罪乎。天而棄焉。易以坤始春秋以侯貴矣。吾繇易與春秋以券先生異日之所就將裴度相業韓琦膚功日有逼而上之。昌黎永叔又何稱焉。

王一翥

子雲湖廣黃岡人

與韋子寅

十三年之別何足道哉。歸心甚淡。隱計全缺。筆亦難

子雲遂已
作古四十

年相知僅
存此一札
殊爲悲慘

述其苦。惟睿識天眼。必遙知其辛苦。神遊我蹉跌處。
也。老年弟兄。未審尙一見而後死乎。抑一死而不復
見乎。造化主之矣。

劉敦仁

濟甫月幢湖廣江夏人
添學草

與郭無咎

足下于文毅公集。以家貧不能舉其全部。而以禮佛
詩先行。昔昌黎有子小史。傳其巍科。而訂較韓集。廼
在李漢坡公有集人主。爲製其序。而過邁無功。荷歟
無咎。賢於韓蘇之後遠矣。

響荅詩筒
文人第一
快事

呈叔父

盛唐之李杜王岑。中唐之元白皮陸。每閱兩家之集。如見一筒之往返。真是快事。

釋正志

石人檠菴湖廣嘉魚人。姓熊氏。字魚山。檠菴別錄。

與定齋

率天下人
盡不殺生
自非通理
勢亦有所
不能而言
之透快使

人情於誕日生子日婚宦日大會賓朋。莫不步步求吉祥稱意。或率然墮一甌折一箸。斷一釵。必藉藉疑不利。而庖人几上。剝腸抉胃。血肉淋漓。則唯恐不備。不豐。此之不祥。視前此不祥。孰大使有怨家左手操。

人動色則
文筆之檀
勝也

意本坡公
不見用久
之迹

雜錄集

卷之十一

隻雞右捉刀當吾戶而磔之必以爲呪詛厭害讐之
不置而賓朋之以羊肩豕尻炙鵝鶩來餽者則又頓
首謝不遑此之不祥視前此不祥奚異至於病嬈人
皆繇定業計唯有開籠放雀解網縱魚差可以消宿
負今烹宰求禳獨聽命於巫祝一禱不應必再再不
應雖三五禱不疲也幸而定業已滿漸有起色則羣
閔謂禱功不幸而定業莫逃終歸於盡則寂然不謂
禱過獨不思神而正直溪澗之毛可羞苟徒計較於
卮酒一臠以爲喜怒則亦人世間飲食口腹之流又

安能爲禍福。天壽人使烹宰。可以延年。從古帝王卽以人爲犧牲。何不得卒。未有至今存者。徒戕物命。增殺業。不可以已乎。

答文用昭

世不乏同牀各夢者。則古人以千里爲同堂。萬世爲旦暮。非虛語也。世間無足道者。出世間法。又非可以言宣。祇此數行。依然白紙。

答尹翼子

若實際地理。晝夜且無何有三世。纔道窮。未來際爲

只是個一
字說來最

醒

結隣集

卷之十一

一晝夜已是剜肉作瘡。况於娑婆晝夜中。分人我計。冤親以有限之年。作無窮之業。受無邊之苦。安有智者。而肯自謾若是乎。

與李君

奉別以還。于今年三月。感三峰一衆饑疲。不忍獨飽。遂發意打飯供之。今七閱月矣。中間六個月。一日麥粥飯。一日切麪。與衆同餐。總不得純米飯入咽。而且病痛不辭。寒暑不避。是宜有人道陰陽之患。相逼而來。然天亦不以我爲算。益其禍。而世間之減算。益

禍者又未必皆有以致之則
所爲固落得做耳
欲言殆萬斛因大故不敢多及

與石谿兄

樂老諸札
院盡禪和
千氣我輩
學禪畢竟
略有不同

擔着頂上枷。是處逢人乞。生被個老瞿曇。今日舍衛。
大城。明日室羅筏城。平白教壞。欲似我石和尚。不出。
祖堂一步。自有天人送供。終日洗足坐。長夜展脚臥。
何殊癩狗絕生天之望哉。鑑圓長發日。正是其時自。
辰至午。暴皎日中。持一口鉢。如捧將十丈珊瑚。放手。
不得。比飯罷歸來。臂已強蹠已酸。非時食不得。路上。

開河落日
之義風行
承上之文

走不得安所來半個閒人奔一二十里到渡頭祖送
厚福人聞祇宜哭不是笑不是若起一念心責其疏
慢有以知其決不然也茲青萍居士還鄉與有同行
之約乃因之致意然京口所得舟是短是長不能前
定若不便須俟伊到楚時然後見付達左右知是何
年月日目前事無一點由人打算盡若斯耳

與法子錢湘靈

予不文。既闌入瀉山水牯牛隊裏。益不欲爲文。然見
文之匠心者。則又笑靨爲開。如夜合花際日中也。而

論文無文
士氣亦是
異觀

獨不作一切文人敘跋于義何居。訖達婆王賦樂山。
河大地盡作琴聲。無取者。無與者。無授者。無受者。如。
是而已矣。重於其中。作一分劑。曰孰黠。然而黑孰順。
然而長孰巍巍乎山。孰湯湯乎水。便與須彌巖峇海。
水騰波。話成兩慨。何怪澄源老謂迦葉作舞。習氣未。
除。然則吾子以是編請。又許之何居。許子文之身分。
之聲價。已爲海內所共傳述。所共馳求。而歛然不以。
爲足。必欲向已分中文言。不到處策起雙眉。退求倒。
斷。旣倒斷已。欠伸欬唾。莫非天倪。而後回視所爲文。

與電光谷響松濤麥浪以至空中鳥跡水上風紋都
無二致仰觀俯察者將貴之爲得賤之爲得乎抑描
之可成學之可到乎然則予與吾子亦相遊於曼衍
從人貴從人賤從人描從人學則已矣噉噉然以爲
是世間之文世間之文之敘與跋則是爲虛空安耳
欠也吾子不受予亦不受也

程正揆

端伯湖廣孝感人
青谿集

與減齋論葉榮木書

楚人談詩
竟陵詩淡遠又淡遠以至於無榮木書似之

詞實不拾
竟陵牙後
慧也

見其作斷草荒烟孤城古渡輒令人動作秦月漢
之想。

與龔半千

畫有繁減乃論筆墨非論境界也。北宋人千丘萬壑
無一筆不減。元人枯枝瘦石無一筆不繁。予曾有詩
云。鐵幹銀鈎老筆翻。力能從減意能繁。臨風自許同
倪瓚。入骨誰評到董源。悟此解者其惟吾半千乎。

髡

殘

石谿祖堂大師湖廣武陵人

與白雲居士

領會受用
俱異人多
少

老來通身是病。六根亦各返混沌。惟有一星許。如殘
燈。然未可計其生滅。然既往者已成灰矣。無事斂目
靜坐。甚受用。觀翁生趣躍然。隨處有活計。此亦養老
之一法也。菩薩留惑潤生。恐墮無事甲。裏石禿如累
夜。觀優人登場。大傷目力。到得睡時。是第一安樂法。
亦顧不得有事無事也。何日來幽棲。兩人相對無語。
亦妙。多一人則帶情識了也。呵呵。

作畫與蔡蓮西居士

吾楚湘山。層巒疊嶂。不可窮盡。目爲之眩爛。足爲之

神仙也
孝之
賢實諦
言字字皆
家令讀其
行爲神仙

天下富貴貧賤俱有個真實受用。開戶心無所營。何
事掃除。開門活水。青山見在。繁華凡得。天地之正氣
者。俱能悅吾之目。盈吾之耳。適吾之口。充吾之腹。動
容周旋。莫不爲我。開設隨緣。取用何曾。有意收放。異
乎人者。視聽言動。同乎人者。眼耳口鼻。此心可富。天
下貧者。終不患貧。此心可壽。天下天者。終不患天。只
管不出戶庭。功德徧及大千。至若妻子田宅。目前有
無。何礙身後。聽其自然。滅恩愛。不必遠室家。建功業
何妨居朝市。小處可修。大處更可修。却係采山人。却

不外世事

朱日濬

菊廬湖廣黃岡人

與王昊廬

渭求爲子
言生平求
友菊廬一
人而已讀
此札信足
爲密友也

別去卽于本日午後抵黃矣。日前遭遇種種細檢往事。誰非古人受過的苦。而古人處之泰然。僕輩曉曉正不欲我輩出古人下耳。沈龍江云。仕宦居家被人侵侮。固亦嘗有是事。然畢竟是我好處。若使人望影遠避。無敢拾田中一穗者。雖足快意。其爲人可知矣。此一段話。可以破俗情之見。消世路之爭。吳廬竟能

顧景星

赤方黃公湖廣蘄州人

與汪介人

古人爲論
是先有成
見偶然發
揮者今人
是先有題
目而後有
議論者那
得佳

公郎異才。文氣如怒濤奔馬。當縱其所如。聽其自
此。水到瓜熟。火足味美之說也。宜絕不可令作論刻
文。文章之道。鴻濶難盡。一刻木自以爲是矣。論者古
人因時對症有爲而作。所謂借他酒杯。自澆窟礪。實
與過去白骨無干。天下古今事勢萬端。涉世極深。讀
書極富。不能得其情狀。奈何令兒輩置喙。趙括徒讀
父書。故趙亡。稷下學士坐而議論。故齊亂。况才未必

逮古人耶。弟愛郎君直道所見。幸勿怪。

復張長人

自刻自評
此風十年
未始見之
真大可笑
事

兄之文善矣。論瑯琊歷下歸安鹿城折衷頗當。墨池
記在小品中尤矯矯。然有爲兄規者。近尚入大家。亶
言起伏段落呼應爲工。而不知行文之自然。初非有
意爲之也。乃家居韓柳人擅歐蘇。自刻自評某篇幾
段某處應某。此兒童之見。不足道也。相美人者曰。此
段爲頭。爲胸。爲腹。爲足。爲手足。是磔之矣。神龍騰空
蜿蜒變化。不知其爲幾段也。而曰吾一段伸一段屈。

談文者所不能廢但
不過文之一端耳古
來佳文之傳者豈盡
在段落照應耶

若馭風若籩雲有是理乎自歸安鹿城之說出後生
初學折腰齟齬而古文荒矣画竹者兔起鶻落胸有
成竹天之生物也具體於胎不節節而生之良工操
斤不無節目而刊度先定辯士應變風生從容自若
今之爲文正如僇農許訟抵掌竊擬往復訊答又如
婢學夫人簡言矜動愈見躁鄙彼真夫人談笑說鹽
米意簡而言有餘故夫段落呼應損字澀辭爲工者
是僇農之擬訟而獮婢之簡言也觀今名家何以異
是以兄才志埽滌掀翻何所不可願取歸安鹿城月

峰荆川評閱諸書束之高閣如是數年弟雖驚當與兄極論之

王澤弘 涓來吳菴湖廣黃岡人

與陳徹菴

清俸之稱
將貧字作
爵祿一樣
看覺昔人
晚食當肉
緩步當車
猶萬安排

晤蒼門知近况清苦夫貧者上天所設以待學者之清俸而世俗人視爲畏途先生回思往日千金入手瞬息揮盡意所欲爲傾囊不顧其見地曾有如今日乎使先生而仍如往昔之隨取隨足其著作品行亦必不能如今日之見地超而踐履卓也

杜濬
變雅堂集

答王山長

承教弟傲慢不求友弟豈敢如此只是一味好閒無用但得一覺好睡總有司馬遷韓昌黎在隔舍亦不及相訪也此是實語。

與孫豹人

僕

正襟之言
帶以諧謔
堪爲吾道
箴之

近作寥寥惟以溫經爲日課蓋嘗竊慨世之黃冠緇流猶各誦其本教之經卽吾仲尼之徒亦或持誦彼教之經呪日限若干遍且刻苦用心不使間斷而

絕妙戲談
絕妙正論
因想說詩
解頤定是
爾爾

吾儒之經。反終年。不上口。以致聖遠言湮。學無根本。
風俗日衰。職此故也。僕因而思之。向使其肯以持誦。
二氏經呪之工。誦吾儒之經。肯以持誦。二氏經呪限。
課程無間斷之道。孜孜誦吾儒之經。則六籍之文。曾
不抵一部華嚴。一藏內景。一萬大悲呪耳。計可以人
人爛熟。縱未必卽爲醇儒。其可以免作白丁無疑矣。
此其功效。較誦彼教之經。豈不尤正大直截。不落荒
唐哉。以此自念。生平經學。雖涉而不精。作文援引。僅
同剽竊。可耻可歎。莫此爲甚。於是不知老至。特于今

作文作人
盡此十二
專

年六十以後謹擇開心吉日呼我密友及兒婿數輩
各治一器一罇送老人上學使其隱然監督不容作
輟立課簡易用圖久遠每日溫經不過五葉正襟則
誦不過十二遍餘工酬應治窮事倘得如此十年之
工則六經可以暗誦左右逢原作文不致游移作人
不致時樣祿命家謂僕晚運頗佳其在是歟目下先
理書經慕伏生之忘年次及詩又次及易禮則寒家
世業春秋四傳曾用心一過但經文反不熟此易爲
力耳從此黽勉雖長在客中所至無論人家僧舍必

先以此意白知主人。然後展卷。不然恐其駭笑。此白頭老翁尚思應舉也。大率我輩天分有限。又半耗於詩歌。今始專精經學。庶幾有得。不論蚤晚也。旣以自勗。并以望我同心。雖以足下五經紛綸。無俟重理。然杜詩史記尚不厭百回讀。况聖人之經哉。高明不以爲迂。則鼓舞老蒙童多矣。一笑。

與蔣前民

居恒念足下之貧。而貧與足下等。無以相助。獨有一說。差可以奉廣。嘗記少時外翁王養所先生語。僕云。

予心論云
我輩固居
然大富翁
也

其先尊君雲澤公官至宮保尚書中間數歷按浙撫
淮仕宦四十年致政而歸橐僅千金及疾革執其子
之手而歎曰吾備位大臣潔已率下奈何家有千金
吾豈嘗墨哉蓋當時前輩脩廉隅矜名節大槩如此
以此推之仕宦四十年之尚書以有千金爲媿則一
日未仕宦之措大有十金卽爲至多矣足下豈不嘗
有十金或至於數十金乎又近年姚江劉念臺先生
官至少宰總憲而家私僅勾一担人號爲劉一担今
足下雖貧點檢室中收拾雜碎豈不猶有十餘担乎

則是足下之富。乃尚書之所甚愧。而總憲之所遠遜。
爲不如也。奈何尚憂貧哉。僕此語雖近於戲。然士大
夫要不可不聞此風。然後知節操之足重。淡泊之可
貴。而世俗之以貨賄相高。惟利是務者。爲去古太遠
也。於此時加體認。其爲安貧忍苦。增氣益志。受用無
量。其法。僕嘗私用之。今始與朋友共耳。肥馬輕裘。可
敝。此不可敝。珍重珍重。

示兒

讀二典三謨。及禹貢之文。何等爾雅。風致至商周之

東鄉亦有
此意

書盤庚五誥乃更詰曲聲牙因知論語平易正是吾
夫子文章起衰直接唐虞之統不但道德巍巍也知
此并可知真唐宋優于假秦漢矣

答汪秋澗

承問云云可謂高人有不急之務矣敝鄉有詩而無
畫屈宋時無論至子美浩然兩襄陽其時畫道盛行
亦不聞楚人能畫者爲誰至近代二百年中長沙下
雒公安竟陵五先生以詩迭起雖論者不一然固已
皆爲詞壇盟主執牛之耳矣獨至于畫無卓然名家

開崑曲之
源者為魏
良輔實亦
西江人孰
謂西江不
擅詞曲

時氣二字
不可不戒
然即俗之
變也適時

者。直至今日。突出兩人。一為石谿禪師。一為青溪太
史。僕前後見其巨幅長卷。雲峰石跡。迥絕天機。原本
古人師友造化。未嘗不歎為神品。不知何以不出畫
家。則已一出。便到恁地。猶之西江理學。節義之鄉。素
不會詞曲。一會便為湯臨川。使作者盡出其下。皆天
地間怪民也。

又

僕

向謂詩文書畫之壞。至俗氣二字止矣。無以復加

矣。今始知有甚於此者。時氣也。或者不以為然。僕焉

便無高品

舊窰賞鑒
有餘有時
不如新窰
之適用

譬喻以曉之曰時氣之爲物猶之近日江閩新窰莫
倣宣窰成窰嘉窰欵識燒出瓷器非不標致清雅而
其一種令人厭薄處都自不可解若是真正舊窰雖
復欵識稍俗亦自可耐此非時氣又甚於俗氣之一
證乎雖聖人復起將不易吾言眼中翰墨紛紛惟足
下堅守古學而無時氣僕故盡情言之不足爲外人
道

答卓火傳

手教再四促傳經堂詩此詩諾足下有年豈得不作

今人求文
如庸醫用

元

賴古堂

藥百藥皆
試以幾棒
一藥之中
究竟雖有
一二亦混
裸於百藥
之中爲功
矣

結隣集

卷之十一

及見惠示李果堂碑文典則多風則謂此堂只消此
一篇文字便足其餘槩可無作古人求人詩文只求
一人一篇可傳不似今人亂捉市傭無所不有也然
使僕竟自不作則似此段說話祇是自作游說謹勉
成二章奉去其實雖拙作可無況他人乎狂言并發
一笑

與張虞山

蒙過獎拙作序文多有道之言不敢當此文特見其
端耳未盡也蓋愚見嘗謂男子之能詩賦文章猶女

更有何者
不是本等
事

子之能紡績針紉只是本等事無容矜異其不能者
由未受之于天於已無與亦猶女之拙者於紡績針
紉有所不會亦由未受之于天無可奈何正不必深
媿惟於節操大閑則無論女巧女拙皆不得草草也
世人能詩文而自矜是女子之自矜其紡績針紉也
矜所不當矜也不能詩文而自媿是女子之自媿其
不能紡績針紉也媿所不必深媿也此乃至平之論
無絲毫之矯激第斯人憤憤相蒙耳足下知吾言故
并及之

立身行已
不妄語是
第一義然
始于不妄
交未有妄
交而不妄
語者

答友人

僕之論學於朱陸兩家總無所解而獨以涑水氏不妄語爲宗蓋人能不妄語則行必可言言必可行爲躬行實踐之君子矣至論其功效則尤爲最大試爲足下陳之今夫家庭之有離間妄語者爲之也不妄語則離間絕而家和朝端之有讒佞妄語者爲之也不妄語則讒佞絕而國治民間之有訛言妄語者爲之也不妄語則訛言絕而天下安以至於處朋友不妄語則無風波處鄉黨不妄語則無爭鬭作文不妄

何有名士
終日妄語
覽此亦當
自愧

語則不至顛倒千古之是非作詩不妄語則不至淆
亂一時之情事自古及今和平之福休祥之應未有
不由於誠實之君子而破國喪家亡人未有不由於
妄語之小人者也至於一種士人不務修身積學而
專作妄語用自粧點其爲醜態尤慘於破亡近已有
爲之而敗者然使後生初學輩有所鑒戒而妄語不
至於太甚則若人未必無功也蓋僕始者不過遭細
人妄語之累有所激有歎服涑水氏之爲聖人耳久
而方知格致誠正修齊平治之道率不外是則歎服

節此便是
不妄語知
于皇晚年
學力之進
用成語改
字處最似
古人

益至而從事益專焉。但僕之資質庸下。骨力軟弱。爲之覺甚難。兼世道尚僞。如操千金之璧而行於盜賊之途。兢兢乎惟恐其失也。吾夫子稱忠信篤敬。是邦可行。益贊禹至誠感神。矧茲有苗。豈欺我哉。足下老學。幸不惜鞭策。使益堅所守。是愚心所望也。企切企切。

復粵東屈翁山

僕

知足下久矣。蓋古魯仲連之徒。而僕之同調也。兼

知日者足下所與游處。有甚好僕者。亦有甚以僕者。

序其相知
之深不用
一粧點語
最難措筆

夫好者之疎不如忌者之密。意足下之耳必多忌者之言。自分長與足下未卜定交之日矣。乃茲者歡然相求。以大集序言見委。賁書造門。再四而不厭。而且書詞之婉。稱謂之謙。若魯直之于子瞻。如見所甚畏者。則是足下不但不用忌者之言。亦并不盡由於好者之說。特達相知。不隨流俗。其明審之識。有過絕于人也。夫士貴有骨耳。然無識之骨。祇是頑骨。昔魯仲連先生。惟其負絕識。不同于戰國之游士。是以其骨力之堅。橫亘千古。至今仰之。嶄然如萬

丈之峰。峻削而不可及。今足下負識如此。其無乃行
當接武仲連先生歟。僕尚未焚棄筆研。頗著文自娛。
不序吾翁山子集。而又將誰序。第懇足下少安無躁。
俟。僕一日遊山水快意時。縱筆疾書。文不加點。乃爲
合作耳。暨復。

戲答練石林

僕

固好爲古文。日與能古文者游。然而非今之人也。

蓋自周漢左馬以迄南宋陳同甫。又新蔡一歸熙甫。
而止。鄧以下無譏焉。若來教某君。僕未嘗識其人。子

瞻所謂直懶耳。別無說。然頗聞人傳其自滿之狀。令人致惜。大抵一時新銳風氣如此。不必深論也。獨怪有一老友。年大于僕。亦復風氣移人。打入少年場。不窺耆舊傳。妄自菲薄矣。吾文勝昌黎。是何等語也。釋典言。譬如小民。自稱國王。徒取誅戮。爲可憐憫者。何其多歟。僕嘗言。雖有絕代文章。掀天事業。一着色相。便是俗人。何則。道眼不開也。況今人伎倆。可知者乎。然此猶是莊語。僕又有一諧語。可以奉入足下雜著中者。近有一友。爲僕述某公一介不與。却未一介。

諧與謔俱
是文人勝
處

結隣集

卷之十一

不取。可謂一邊伊尹。蓋舊有此謔也。僕應之曰今某
公無周公之才。使驕且吝。豈非半截周公乎。聞者莫
不絕倒。直是天生絕對。必傳無疑。足下蒐羅編纂多
年。今始得此壓卷笑抃。可知也。然從此當與足下動
色相誠。毋自入甕。乃可哉。

又

貽我壯悔堂集。美材哉。然此道之難言。全在丹與汞
之分。古人沒興。煞是丹。今人得意。煞是汞。吾末如之
何也已。

與減齋先生

聞先生欲選今人詩一部。不著選者作者姓名。可以
得真詩。又可以免情面于前。息怨爭於後。濬初聞而
善之。已復思之。仍有未安者。夫人之好無名之名也。
甚于好有名之名也。何則。有姓名而或錄或不錄。則
其錄與不錄之故。姓名猶冒其半。今不載姓名而顯
惟其詩之存。則是其美惡全在乎詩。美者真美而惡
者真惡。更無躲閃之地。有無以爲榮辱去取以爲喜
怒。吾見其什百倍于有姓名之選。則情面于前而怨

爭於後者不益甚乎。况衡鑒出自先生。尤與汎汎者相萬將見。選方經始而衆已喧傳。選者之姓字抑之而彌著。此尤好名之士所一飯不能忘也。然則先生于當世之詩。一無所論定。則已如尚有論定。則遴拔精而人自服。何必不留姓名乎。不留姓名。則又不如留姓名矣。愚見如此。惟財察其是否。

杜紹凱

蒼畧湖廣黃岡人。退思先生第三子。于皇弟。緣督堂集。

與吳山賓書

以一身審處于古今治亂上下。苟遜世無悶。黜行吾

言之汚人
齒頰

志又不能已。已則必論其世焉。世者卽著書立言者之地。吾地不可爲他人奪寸步。尋丈皆吾疆土也。抗之則不必墜。之則不可如螻之屈。龍蛇之伸。乃富貴貧賤升沈顯晦不同之極致也。孟子曰。誦其詩。讀其書。不知其人可乎。弟竊嘆今之碌碌富貴者什之七。碌碌貧賤者亦十之七。碌碌富貴不足惜。碌碌貧賤假終南爲捷徑。亦不足惜。惟僥倖千古橫踞壇坫。使通都大邑深山窮谷指曰此巨公也。按其著作。有趣茫然克隱而已。我輩豈可隨其倏忽哉。

羅世珍 以獻湖廣漢陽人

與張鹿牀父母

昨自磯上。乘月放棹。覺衾袂皆白雲也。頭陀寺裡。高閣宿星漢。使君一憇其上。得聽黃崔仙人吹笛無恐。梅花既落楊柳方生。君且不勝故園之思矣。奈何。

與譚韶成

寫得清秀
如讀一則
玉壺水

夜來鳴雨如注。簷溜與溪流相亂。如深山洞壑中。使人塵夢一醒。早起見萍痕漲綠。村徑皆水。又孤墅如鳥抄書之外。唯與梅花共飲幽興入懷。忘却甌窶皆。

空此皆貧者之不足而造化佐之以有餘得喪物我之外有此一種便宜處除林和靖陶靖節諸人未易得也。走以相聞能欣然着屐否。

嚴首昇

平子湖廣華容人

與王季豹

初春接手書大驚。想今了此局矣。人生極難處。分者。惟得志時事耳。伯王不動心。便是聖賢盡頭學問。若區區不得志事。容易了過。舜禹生平。輒輒艱難。不知多少。夫子不以此服舜禹。獨服其有天下不與。所謂。

忍痛易忍癢難也。老兄學問深厚。逆來順受。一切歸之造物。天下事不但得喪不繇人。禍福不繇人。卽善與過亦不繇人。付之無可奈何已耳。

與黎石龍

古云夫子惡乎長。聖賢雖無所不長。畢竟有一件得力處。因思古人之學。雖博枕中要自無多。如太傅之鵬冠。中郎之論衡。南豐之太元。東坡之賈誼。陸贄。莊周。皆然。公與穀相去幾何。而魯不治公羊。齊不治穀梁。何其專歟。今人于書無不讀。實未得一書之力所。

南豐得力太元甚愚

要見古人

專求自得

不隨人呼

以古人少。今人多。古人難。今人易。古人遲久。今人敏疾。而得失正復坐此。詩文亦然。子美不作四言詩。太白不作律詩。杜文不逮詩。蘇詩不逮文。近日如元美勸人勿作和韻限韻詩。白雲顧治五言近體。要皆以其專一。遂得精工。今人有一件不能輒覺。而赤畢。竟無一件到家。則何益矣。老氏云。知者不博。博者不知。頃見馬文伯孫子韋作書。鍾王顏柳縱筆自如。弟笑謂古人何獨不相兼也。弟十年前志過于才。思得無書不讀。靡事不爲。邇來竊自揆量。無多望矣。曾有句

不呼不所
無起無止
真異樣好
受

紉陽集

卷之十一

三

云漸老。憐心小。久陰覺。歲殘。仁兄聞此。當首肯也。

告同人助鏡如上人歸山書

僧寺自東京白馬寺始。迄隋始有寺田。六波羅審布
施第一。爰是民之欲富者。思爲僧。非僧或無以食。無
以居也。僧民之祿也。晉時待出家以上賓。隋授沙門
以學士。至唐乃有開府儀同三司者。近代給牒得優
免。與官府抗禮。爰是民之欲貴者。思爲僧。僧民之爵
也。先代度僧。皆由考試。中試者給牒。披剃僧亦有賢
良方正博學宏詞也。後世例以輸粟給牒。僧亦有算

逐段有變
化又是無
意

訾郎耐金侯也石頭盛時每數十里置一僧郵爰是
民之好名者思爲僧僧亦有甘陵二部及蜀朔及近
日東林也其有不得志于僧者一杖一盂惟意所向
僧中之穆天子司馬太史天下皆是也蓋自是天下
名山強半歸僧僧住山必峰必巖必阿佳處輒爲所
得老樹怪石精廬淨几入其室者輒有異懷爰是大
人君子之不求富不欲貴不好名倦飛知還者咸思
爲僧僧又民之歸也鏡如思選勝結方丈題曰歸菴
匪鏡如寔歸余等輩咸有歸爾余輩旣願其歸當俾

其有以歸歸而有以居有以食也哉是第一波羅蜜。

與薛諧孟先生

杜陵詩之聖也無三十以前詩僕已刻詩皆年二十

迄三十詩少年自信過勇好名太急想當爾耳用是

飲然內慙久矣憶戊寅秋携是詩于江陵暮年聞荆

之一二少年摘句笑予僕未或忤語曰得失自知不

其然乎丁亥冬山樓無事簡未刻詩既竣取已刻詩

閱之如選前人詩又如老生看後輩人詩毫髮無可

欺有任臆謬古人者有沿襲古人者有自吟獨得不

寫出性情
可想其詩
之妙

知已爲古人先得者有意佳而未達者有既達而好
盡者大約玲瓏有餘蘊釀不逮爾時胸未萬軸跡匪
千里不知而作無惑其然今日者匪曰日益庶幾知
非是故慙之慙之乃復存之何也當時山河未改風
景自殊父母愛之兄弟無故童心成羣開口常笑天
地之大舉非予有舉不足掛予之懷自喜自憐旁若
無人固十年來所不再得者若乃未老而悲未窮而
怨天下未嘗大亂而嘵嘵然如有瑣尾流離之音一
似得氣之先者僕亦不解何以不幸而言中乃爾也



僕以是慙之終復愛之踟躕累夕刪者十三竄者十二先生視是詩無作三十以前觀可也

周蓼恤

貞妻湖廣大冶人

與江寧友人

以道德文章之事與朋友往來未有匿避而不覲面之時然亦有有時不覲面之朋友以道德與文章非今日之所急也古人云併道理亦有論不得之處真至言也



賴古堂尺牘新鈔三選結隣集卷之十二

周在梁園客

豫儀 周在浚雪客 鈔

周在延龍客

何如寵

康侯芝岳江南桐城人
文端公後樂堂稿

答某君請謚

尊公真品亮節一一與易名相應但此事方在紛拏
俟論定之後當不令故人之憾遺珠耳三台之尊以
頓遷爲快一字之袞以晚得爲榮想足下策之審矣

正人不作
優語

結鄰集

卷之十二

一

賴古堂

與池州守薦曹廣文

銅陵訓導曹生某者。不佞爲諸生時以道同盟以技

對壘者也。爲人宏博如武庫。其初塤篪鵲起。有在昔

五官陳思時目。其仲氏孝廉與。不佞同舉于鄉者也。

以應制玉樓先後凋謝。此生旣晚才得一廣文齋爲

靈光殿。不知造物之眎曹氏者。何以異古鄴下耶君

侯高誼熱腸。必能以伍噲哀。曹生亦必能以說項諒

不佞者也。

荐一儒官
敘致乃爾
真推人之
筆

葉

燦

曾賦江南桐城人

與某君

詩難言之矣。三代盛時。無論公卿士大夫。卽牧夫游女。皆涵育於先王之澤。而湛濡于教化之深。吐詞爲經。矢口成訓。何容揀擇。夫子晚而刪詩。僅存十分之一。所存少而所去多。何耶。聖人造化之筆。世儒何能窺測其微旨。而逸詩之傳於後者。又皆可歌可咏。可咀可味。門弟子皆能習之。而皆能言之。則聖人之未嘗一槩抹殺之也。亦明矣。而至今傳者寥寥。或後人遺失。或經秦火。皆不可知。而當時親受業於聖門者。

結隣集

卷之十二

直寫胸懷
如海涵地
負便是事
事無碍法
界

道理如是
知得如是
又不妨作
分別見蓋
分別見亦
大同於道
理中也

說詩又各各不同豈詩爲活物聖人固未嘗執一說
以定人而人各以其意見自築一宮壻別開一門戶
耶禪家有活句死句執其死句則此心自然非彼心
一地不能知二地爲元微之之優杜劣李也可爲楊
大年之以杜爲村夫子也可卽爲近日之呶呶王李
輩也亦無不可得其活句則放開眼目恢廓胸襟永
明不云乎衆生言論悉法界之所流外道經書盡諸
佛之所說而況李杜元白蘇黃諸大家及近日王李
鍾袁諸名士卽其中不能無利鈍何容輕置擬議于

其間耶

僕

癡鈍人作癡鈍語以請教於公不知以爲

然否

吳用先

體中本如江南桐城人
函玉山房集

與袁先生

年丈冥心真諦。徹悟根宗。流雲泡沫。何足溷入靈臺。
自伯修去後。調歇絃。悲金銷蘭。滅攬玉霜之夜。下目。
旅雁之晨。飛。俛仰無聊。依棲失所。吾兄卽芥視軒冕。
留連桑梓。于弟輩獨無遐心乎。弟頭顱如昨。伎倆靡。
他燭武嘆其近衰。馮唐未知將老。非惟藻思半凋。抑

清潤筆墨
所難

且濃情頓釋。任呼牛馬。孰辨雌雄。獨有無生一事。終難透脫。翹首大德。指我迷津。益弟之憶兄。正以法侶漸稀。塵盆滿眼。如兄之冲虛恬澹。針芥相投。恨不獲促膝論心之爲快也。真切真切。

姚康

休那江南桐城人

龍成山人全稿

酬債

答公良

叙事別異

尺牘所難

往見漢魏

人時有作

此等語者

弟近委頓已甚。強半山中臥時。入城爲有如火牛者。見迫耳。頗欲一覓看西泠。了雙眼意。亦欲一看仁兄。了八口意。今皆不能。其一足所不能。其一面所不能。

始開此卷
但就癖者
少耳

也。然亦不知竟能不能否。仁兄雖仙令。恐聽傳直時。不如聽弟此語。足發一噓。

與人

閒居適性。此福在堯舜釋迦之上。人生那得如此切。

忌妄想。

劉若審

爾明一齋江南桐城人

與學人

公府衙門。掾史胥徒之養濟院也。琳宮梵宇。黃冠緇衣之養濟院也。士子而不經明行脩。但取免徭役持。

今日又恐
養濟院中

結齋集

卷之十二

四

賴古堂

有凍餒之
人

絳陽集

卷之十一

門戶是亦以膠庠爲養濟院耳。程子所謂浪然爲天地間一大蠢者非歟。

方拱乾

肅之里菴江南桐城人
魁菴集

謝昌辟疆賀七十

不肖

馬齒日增。鴻爪莫定。蘇卿雖返。衰顏難画麒麟。

杜老未歸。浪跡空占烏鵲。人傷蓬轉。天縱樗生。每見

年世兄孝友承家風。姿類父。言滿天下。人欽班范之

傳。德比古人。心念陳荀之舊。徑蒿旦啓。時勞載酒相

過。江水春來。屢拜分甘。遠惠頗如劉峻。負愧深交。每

感王孫不忘執友行年七十萃貧賤富貴患難一
身而少不如人何況今老時逢三五觀進退存亡得
失之九德而我躬不違安敢多尤已命兒子杜賓朋
唯自敘行藏大略回念生平幾知己但私憐語嘿殊
方忽捧鴻魚兼披瓊玖厨羞載錫海錯分甘更拜佳
章益顯至德蘇張近體遠過六代之波流李杜鴻裁
能暢兩家之委曲令門舊侶因老子而追念尊君益
重我山陽之感東海偕奔際平時而轉懷往事願無
忘同谷之行眉山父子已多材而加以杜陵野老陽

用事能自
抒胸臆無
詞人滑膩
乏氣

結隣集

卷之十二

羨書生。五色紛披滿堂驚。異王家兄弟皆名士。而重
以龍跳筆精。虎頭墨妙。千秋競爽。當者逡巡。白髮如
賓。頗愧梁鴻之老婦。青衫作客。常憐劉表之諸兒。何
敢當荀龍寶桂之稱。兼寵以江草莊椿之比。雲霄誼
薄。雖敬老爲其近親。金石情深。快知我莫如君子。拜
登鼓舞。奉命殷勤。素壁高懸。來者皆欣。三絕清齋。朗
詠老夫。如獲百朋楮木。詞陳期命。袁安之駕牀頭。釀
熟。豈徒袁紹之杯。唯願春酒頻斟。百歲分觴。于父母
夜光遠曜。世交永締。于雲孫臨楮。欣瞻望風。欽謝。

方孔炤

與人論詩

關尹子曰。道寓天地。寓舍可指。可論之中。邊則不可指。論之中。無可寓矣。舍聲調字句雅俗。可辨之邊。則中有妙意。無所寓矣。此詩必論世論體之論也。此體必論格論嚮之論也。韓脩武曰。汲汲乎惟陳言之務去。數見不鮮。高懷不發。此誦讀咏歌之情。卽天地之情也。冒以急口。媮快。優人之白。牧童之歌。與三百乎何殊。然有說焉。閩人語閩人。閩語故當。閩人而與江。

眞讀書明
理之言足
奪人意

手致嫣然

淮吳楚人語何不從正韻而公談夫史漢韓蘇騷雅
李杜亦詩文之公談也但曰吾有意在則執樵販而
問訊呼市井而詬誶亦各有其意在其如節奏不堪
入耳何此一喻也謂不以中廢邊

何

采

第五省齋江南江寧籍桐城人
文端公孫

與減齋

粵東古來輪派遷客地也坡老云邇來三月食無鹽
弟食有鹽矣先生肯以青州從事醉我當撒鹽爲報
又

一落筆使
引人勝地
省齋固自
韻

溽暑蒸人。竟如一丸封戶。戶外事絕。不相聞致。車騎
言旋。遂疎趨候。罪甚。委書贈人耶。疥壁耶。幸示無誤。
從事佳。墨如襄陽公。百練足。令皇甫湜愧死。

又

老蓮簋子。真生平所未見。况出自懷袖乎。終以未得
佳句爲恨。俟開春爲我成之。方稱全璧。何物交通。作
公口實耶。側理領到。明春誓不作一字。然非所論于
公。三萬六千場。日日以筆墨供清鑒。最吉祥事。其何
敢辭。

卷之十二

花前沉醉幾吐丞相車茵。猶幸潦倒顛狂爲司空見慣。當不罪耳。石公畫何日可得耶。

暑。天。寒。氣。中。人。如。小。人。之。中。君。子。往。往。在。不。覺。處。道。體。須。珍。攝。然。亦。不。宜。太。煖。弟體中尚未平。今日更若

體須珍攝。然亦不宜太煖。弟體中尚未平。今日更若
眩暈。札中未言及。恐煩軫念耳。觸暑遍謁。正見此君
皮強骨健。亦止謗莫如不爭之意。公炎天尋煖處坐。
發。炎天尋煖處跑者何如。公亦有趨炎之術也。歟。

韻筆韻舌
省齋兩檀

又

五日近矣。節債逼人。方知屈大夫從彭咸之所居。只是躲端午耳。公當一笑。

又

數日米價頓長。舉家不能辟穀。冬衣典盡。而質庫又不容葛衫抵出。非餓死應凍死矣。縱是活釋迦佛活濂洛關閩也。挨不過如此。冷清公雖無聊。尚想到叅禪學道勝我多多許也。

又

爲之浩嘆

兀兀幽居。幾寒盡不知年。乃因豪債追呼。始憶年前無幾日。通身汗下。如觸翻湧器時也。窮親貧友。索曆日與追呼等。敢以此小小債累先生。多多益善。

方震孺 未孩江南壽州人

與惠元孺論禪書

文人談禪
類爾可悟
其意其實
有不盡者

禪者。箭鋒石火。邊事良馬。見鞭影而馳。得其意而已矣。如以跡求之。刻畫肖象。愈似而去之愈遠。先生直捷掃除。自是能大士一流業。已日擊道存矣。而又問日課於念士。念士者。所謂刻畫肖象而未必得其跡。

不作一死
煞語是禪
家機鋒

者也。使念士而可以益元孺，何異無鹽東施，既瘠且癯，乃向洛神飛燕而侈語曰：卿若何步？若何低回？若何薄？頰若何拂？衣顧影不亦可姍笑乎哉？雖然，如元孺者，乃可以問課，使元孺訑訑云：禪已在是，則所謂目擊道存者，跡而已矣。

龔鼎孳 孝升芝麓江南合肥人

與鄧孝威

道翁以吳趨之妙族生東陽之秀里，少弄柔翰，長交倩流瓊華，敷藻于外，中璧樹含芳於左右，冰絲蛟雨。

香艷至此
令人悔爲
大家

織子雲。油素之書。范艷班。香祧孝穆。珊瑚之位。名動卿相。文滿國山。兼以神檢。孤超門風。蕭澹清。鮭濁酒時。等味于五。鯖謝米。潘興尚待資乎三釜。而人惟菊似客。許蓬開孔座。雖登氣長。橫鶚嵇疎。獨許性不馴。龍卓乎孺子之遐標。不愧真長之畏友。卽嘯咏日盈於叢竹。而介貞彌表于猗蘭矣。爾其爲詩也。遠規栢梁。近矩魏晉。揚開屹曆。上初下晚。漢粧巫雨。宜大呼上。天子之船。御柳宮烟。會特勅入。舍人之院。香奩句就步爲花搖。紈扇笑迴。髻將柳結。莫不比音八律。絜

采七襄。固兼出而並奇。紛雲屬其波委也。若乃簫當
橋寂。山高紅樹之鵲角。爲晨吹城墮玉鈎之月。鈿轅
繡柱半藉芳塵。瑤瑟翠翹同銷烟草。昭明溝古傷流
水之難回。杜牧情多怪珠樓之似夢。固已身同秋士。
賦咽蕪城。飛絮飄搖。蘭成自語。空江杳靄。叔寶能愁。
不只閱斜日于鳳臺。遙題吳晉。眺荒潮于越嶠。獨響
鷓鴣矣。夫詩之爲道。以言性情。論詩于今。尤必取諸
懷抱。懷抱遠者。其人必忠孝。其語必幽森。其取友必
簡嚴。而遇物必深厚。正則之想。靈呌帝愬。藍簪施捐。

正則拾遺
對寫兩段
此格見之
儷體文人
無所不可

續陳集

卷之十二

十

東正堂

玦。珮。于。湘。君。告。然。疑。于。山。鬼。頓。使。離。離。清。蔚。起。楚。水。
以。波。瀾。終。古。而。還。椒。者。猶。椒。桂。者。猶。桂。君。子。以。安。其。
叢。雪。美。人。以。爛。其。車。旗。拾。遺。之。困。蜀。哀。江。聽。猿。拜。鳥。
駟。路。腸。迴。于。罷。酒。故。園。眼。亂。于。隨。風。乃。猶。媿。媿。龍。湫。
祝。春。姿。于。溪。壑。解。人。難。索。哭。者。自。哭。歌。者。自。歌。臣。子。
以。奉。其。日。星。朋。友。以。召。其。風。雨。蓋。兩。君。子。生。當。憔悴。
世。隔。悲。懽。或。含。辭。負。屈。絮。語。如。顛。或。泛。梗。依。人。低。頭。
忍。泣。開。萬。世。柔。腸。之。祖。最。宛。轉。而。不。聊。入。老。人。失。路。
之。心。偏。酸。辛。其。有。謂。長。纓。難。託。魚。父。可。知。其。明。且。衰。

抱有如此者道翁逸才曠世少年負盛名羽獵上林
方當蹇壯乃吾獨觀其意思所寄蒼茫綿邈一往而
深似此心期不睽今曩吾安能再把臂于寒谿老樹
邊與吳陵諸子揖騷而坐杜兼索水部于季孟之間
耶。

與冒辟疆

洞老至都出示手函一時風雨颯然玉碎珠銷斷魂
千古弟于宛君如嫂雖缺鬱金堂下一拜之緣而玉
蘭花底醉瀟淋漓猶髣髴歡塲宣揚幽蓀至今美人

麕句纏綿
正使子山
孝穆猶未
夢見

雲氣繚繞。玳瑁之牀。香魂有知。姍姍紫幄中。尚謂金
蘭譜中。人有爲助。哭。申。吁。泣。名。花。而。悲。曉。露。者。不。可。
云。非。弟。管。幅。之。遭。也。阮。公。鄰。女。之。戚。情。至。不。堪。况。于
我輩。骨肉關情。尤宜分痛。鍾退谷云。好友在四方。而
造物或收之。矧其在閨閣之中。天不憐才。遂令犀鈿。
蟬鬢。與文士平分。鸚鵡之恨。道翁其姑。念玻璃易碎。
能少解黃塵碧海之鬱陶乎。憶語大刻。鍾情特至。展
之。不。禁。雪。涕。沉。香。親。刻。管。夫。人。不。是。過。也。誅。詞。二。千。
餘言。宛轉淒迷。玉笛九迴。猿三下矣。欲附數言于。

芳華之末爲沅。豐招魂。劈箋探韻。絮語神傷。而懸蟬
哀音。轉多幽咽。屬思未竟。惆悵無端。徐之必有以祝
桂旗而酌翠羽。未敢忘也。

孫國救

伯觀一名救江南六合人

與大梁張林宗

世之集句者

弟

惑焉。沉鈎而出。比目。舉弋而落。雙飛。

雜取舊律中旣耦之佳句。而另集成律。攘爲己物。如
是而已耳。弟每思之。先喆佳聯。久著詩苑。譬則文簫
之與彩鸞。蕭史之與弄玉。葛洪之與鮑靚。各以仙而。

源雅多風

耦者也。梁鴻之與孟光。鮑宣之與桓少君。龐公之與
籃妻。劉凝之之與郭銓女。嚴光之與梅福女。各以隱
而耦者也。王凝之之與謝道韞。竇滔之與蘇蕙。趙明
誠之與李易安。各以韻而耦者也。此旣天生佳耦。難
容生割而人乃公行。剽竊別爲配耦。必欲重婚。秦玉
於梁鴻。再醮孟光。於蕭史。強匹易安。於右軍。則毋論
伉儷。非倫共傷心於珠璧之點。抑亦摹擬多事。或血
指於鑿柄之訛。作者襲舛而莫悟其非。觀者沿習而
曼呼其好。豈不千古一大冤案哉。弟思前人詩中自

迎筆命意
如承天寺
月下松栢

有隻句之佳者焉。古則有音律恰調之句，律則有起
結不對之句，絕則有簡練可對之句。余乃擇彼孤芳
覓其奇，似巧爲媒，約各遂應求。雖有移桃接李之勞，
而無截崔續鳧之病，豈不煉女媧之乳液，補天地之
遺憾者哉？譬則上帝遣天漢中白水素女化爲江上
螺而畜於謝端之家，以爲耦。又若周瑜之得小喬爲
耦，司馬長卿之得文君爲耦，當其隻也。若有所待，當
其耦也。若固有之，豈不千古一大快事哉？又譬則林
逋以梅爲耦，于將以莫邪爲耦，箕以畢爲耦，斯又得

耦之神而遺耦之形者也。集句者甚多，而集隻句爲新耦者，實自弟始。中間或所耦非倫者，亦願足下爲我正之。

孫汧如 阿滙江南六合人，先生子。

與錢湘靈

昨暮有所見，見鼠方得意拱穴，爲猫獲之，而獲不遽啖也。縱之去，復爪而回，佯伏挑之，使蹶。或拋擲觀其僥倖，仆相侮無已。鼠忽怒，掉面向猫，反怖爲憚，齟齬齒疾呼如詈。猫益玩，舒趾撩撥。鼠忽嚙猫趾，弗釋。猫

極似柳子
厚黔驢等
小紀

痛失聲亦怒。始。辭。鼠。首。如。折。木。柱。而。其。趾。亦。血。矣。鼠。死。猫。亦。棄。鼠。弗。食。而。自。舐。其。趾。之。漬。若。悔。其。辭。之。不。蚤。也。鍊。牛。以。道。眼。世。法。眼。并。觀。之。當。宜。何。從。

答顧偉南

前教云。內苦。臨。側。外苦。憂。患。弟。以。爲。非。多。事。也。方。寸。莫。廣。矣。坦。矣。而。人。臨。側。之。物。往。而。不。納。而。返。焉。而。憂。患。起。矣。益。臨。側。其。方。寸。以。敵。憂。患。而。憂。患。熾。矣。夫。地。之。大。呬。訾。無。所。容。而。呼。伯。助。乎。莫。若。坦。於。憂。患。而。憂。患。彌。烈。方。寸。內。五。嶽。四。瀆。列。國。備。焉。而。仍。謂。臨。側。者。

未聞道也。道。彙。古。今。治。亂。禍。福。而。通。之。則。臨。側。化。矣。
何。憂。患。之。足。云。

施閏章

尚白愚山江南宣城人

復竹關老人

熊伯老寄語云云。未免病痛。近人談道。往往騎着兩頭馬。韁勒不在手。名爲不倚。其實已離。大師逼其窮究。是高一步法。若向脚下一棒。且問。擇個甚麼正。恐茫無着落。擇善固執。是不倚根基。止要加存養。先儒云。養出端倪。不有種子。端倪何在。不知養字道得着。

今人講學
往往誤入
禪家不知
真禪家正
不如是

尚白西江
歸一船亦
不能自存
丁輩爲賦
賣船詩然
尚白未嘗
沾沾以廉
自命也

否近略體貼叩盤捫燭知所不免今止求一肯叩肯
捫之人耳來教以無我爲過關以因物之則爲適當
此正訣也終身被服矣

答友人論廉吏書

辱示苦節不可貞居今之世不宜以廉名教督意甚
厚然弟非能廉亦非敢以廉名昔人云清畏人知必
以此見知于人陋矣弟何嘗矯矯焉自稱廉公私徵
索不已間稍自解暴以語所親其知我幸也其不我
知也默守而無悔有婦于此日侍其夫子舅姑揭然

凡數設喻
只覺其古

鳴于衆曰。我不玷爾帷薄。一室之人。必大笑以爲婦。固然也。終歲食貧。室中虛無。有婦飽糠粃而甘旨奉舅姑。猶日詬而責以三牲五鼎之養。宗親內外。又日迫而索以牡荊之速。雜珮之贈。諄聲交至。婦必怫然。謝曰。吾非倚門倡。安從辦此。非以此自多情。激勢蹙。聊一云爾也。弟之所處。或有類于是。夫吏之事。有百莫先于廉。婦之行。有四莫先于貞。婦無它能。而獨以不淫鳴。固已悖矣。假令牆茨見醜。而侈然驕語其夫曰。我雖不德。而善女紅。能辦爾家事。其夫有不大慚。

而唾逐之也哉。今爲婦或不幸如此，乃不見逐于夫。又從而寵之，婦輒以驕。姊姒然以告東隣之嫠婦，去之若負塗矣。人之才志不同，未可以不識時相病也。昨爲兄治裝，亦不敢不略盡。兄故知我者，幸恕此老婦郵便還答，想復一笑。

與所親

我輩旣知學道，自無大戾名教。但終日不見己過，便絕聖賢之路。終日喜言人過，便傷天地之和。

與張某

此等書乃
亦有用得
看處

所示某公德政錄詩頌并序甚勞捉刀讀之不免泚
汗。使當事賢者身受之。且眎我爲何如人。弟不敢謂
當事無足稱。然我輩立身遣辭亦自有體。何至作如
此牙舌。昔人謂輿論之是非。勝官評之黜陟。以輿論
無私也。况彙集羣言。刻爲大帙。存之既久。賢否混淆。
往眎學山左縉紳之子。有爲其先人請祀鄉賢乞香
火生者。或鄉評無甚著。輒出其在官頌德之書爲稽
據。觀其書大抵東南人所爲也。南俗善佞。度不自公
始。然公長者。願後此勿復爾。慎勿一字假。僕旣不爲。

堯元詞嚴

僕

累又不傷公盛德。所謂相愛以德也。士日飯脫

不一升亦安往而不得貧也言切而直惶恐不宣

張習孔
念難黃嶽江南歙縣人
詒清堂藏稿

與門姪某

如此理學
真有所見
不可與迂
腐一側看

一陰一陽之道當兼造化人事說先儒卑主造化故
有理氣之說其實至淺小事莫不有一陰一陽迭運
處如夫婦居室非有氣之可言也不過理當如此而
已矣汝輩體貼此意便見得道不可須臾離而與一
貫之指川上之歎萬物皆備之說相合矣

又

近日看孟子窮不失義故士得已焉深歎其妙已者人之自己一向在何處今乃得之由是推之人之失落自己者不知幾千萬矣人當窮時所存者惟一已耳乃又并其已而失之可勝歎哉

吳宗信

冠五江南休寧人
履心集

與王隆吉

晉人云酒令人遠遠之一字足引人飲語曰剛制於酒剛之一字足止人飲弟不能止酒而顧以酒遠名

冷水澆處
令人陡然
一驚

亭然不三蕉葉醑酖矣。願足下於剛遠之外別有以導我。

與朱際有

承示窰器。驟觀外膚薄凜。不敢觸以手。駭嘆久之。再審之內。體不固定。其爲僞。乃知世人不內固而專飾其外者。愚人以驟耳。世詎皆驟人哉。

與周雪客

耳食蒟蘭久矣。昨入高座寺。舌始載之。味在鹹淡外。想卽南唐歸宗寺之淡鹹羹乎。因憶阿翁蒲笋同分。

三月雨。壅鹽閒對六朝僧之句。一嚼一味。

與吳介茲

今日安得
延伯玉一
洗禪林之
穢

予最喜蕭伯玉先生之王祠祭也。與諸髡約法三章。
妄談詩禪者。服上刑。肥雞豚。畜妻子者。次之。呼盧浮
白。操縵安絃。履絲曳綈。類俳優者。次之。蕭先生之惡
詩髡如是哉。乃今無僧無詩。無僧無集。無詩不可爲
僧。不可稱善知識。甚至有善知識俗臘。走使數千里。
遠近徵詩。爲泥金屏障。以爲祝頌者。嗟夫。僧圖作
周。乃爾爾。此操下先生見善知識。輒稱曰。名士。

程文林

瑤生江南休寧人
留月軒集

病中留別寧野四兄

昨自宛陵掖病過新嶺。憇僧舍。憶前冬吾兄度嶺。風
雪漫天。兄挈弟扶。一行十躡。冰花雪蕊。纍纍吾兄鬚
眉間。弟顧兄笑曰。儼似海南水晶人。兄亦啞然應之。
比雖襍被荒涼。而興會豪舉。不謂年來一病纏綿。如
秋葉在條。春籜附竹。乃至於斯也。及抵家。接兄手札。
并近作。開函急讀。病體少舒。大人憫弟攫去。不使卒
業。然彷彿如見我兄。俛首凝思。含毫欲腐。嗟乎。弟病

結隣集

卷之十二

狠狠料不能再見我兄矣。弟非不知大地梨園人生

傀儡。但使登場。扮演毋論悲歡離合。務使各盡關目。

曲終人散。而後止。今弟甫開場。一闕遽爾。息鑼歇鼓。

生前不知種孽。何狀年甫二旬。溘焉朝露也。禾黍之

腸。改充參朮。近且并參朮而亦嘔矣。二親禁弟不得

讀書。詎知弟身雖憊。神頗清。一日六時。若廢讀書。則

煩憂轉甚。二親既藏筆硯。禁不作文矣。若并書卷而

亦藏之。弟亦何樂有此。晨夕耶。老親哀弟病。時時撫

弟。作子規聲。親淚滴於額。弟淚交於頤。兩淚迸流入

冠五爲予
言瑤生十
五卽能賦
采芹後未
娶甫二十
卽沒文人
天折自古

僕雖未識
瑤生亦爲
之淚落
下

口成血柔腸爲之寸寸斷矣旦暮望兄歸執手永訣
效眉山兄弟再訂來生之緣豈意我兄歸期未定弟
已矣不復得見我兄矣弟敝篋中所構應制文經書
題不下五百篇昔欲藉之弋貴今竟因之戕生不覆
醬瓿卽投燈焰外有留月軒詩賦一帙昔病中語也
乞兄憐其苦而存之使弟沒後流傳人間萬一有憫
弟哀者謂程子瑤生年少食貧甫歷二旬竟不得
志以勤學死匪獨乏嗣并未婚焉嗟乎生且不遇死
異人憐吾兄視弟能瞑目耶不瞑目耶吊我者比之

蘭摧玉折。笑我者等之夕。槿朝菌任之而已。

吳

非

山賓武兵江南貴池人所著有說說文引經三唐編年武兵畫記无居詩話蟲弋

與滅齋先生

山賓著述

甚富皆有

用之書惜

世無由睹

見之

非頓首先生閣下。自當日言之。從先樓山襄選事。寓

白水。寓星野耳。盛名口尊銜。則先輩也。自今日言之。

開憲府臨郡縣。統轄所及。非則草野子民耳。非不得

志于時。不肯委于已。授徒餬口。耘人之暇。自力硯田。

積有隨筆。顧以分特懸殊。地復遼絕。請教有心。親炙

無自。如木中蠹。雖未仰見天日。然間蒙唾餘。即猶陰

苦調羽聲
情則猶是
也而讀之
加憤激矣

霑雨露如書中魚雖不驚聞雷霆然聞蒙墨繡即猶
均施衣食每私憶于田水月知將來之爲公安者何
人亦竊思于陳織屨知繼此之爲景陵者何人若無
緣獲遇于其人也遲之身後恐莫可得况當世乎則
以此推之古人書成而滅沒不傳者何可勝道彼蕭
恭之所諷人多不好歡興仰眠看屋梁而著書千秋
萬歲誰傳此者不真笑人耶嗟夫窮愁如非即不敢
言著書亦安得夫歡興之爲好也無以自解則亦惟
寄歡興于著書已爾傳不傳奚問焉惟執事察之

西樵落筆
每有遠想

續隱集

卷之十一

三

王士祿

子底西樵山東新城人

與櫟下論畫

奇峰錯互。長松蒼鬱。人在雲氣中。嗒然相對。此際胸
次。當着何想。身墮世網。幾不敢謂世間。乃有此境。乃
有此人。

又

傳稱范中立卜居終南太華。巖隈林麓之間。覽其雲
烟。慘淡風月。陰霽難狀之景。一寓筆端。則千巖萬壑。
雖盛暑。使人凜凜挾纈。續道生画亦似從終南太華間。

得來

王士禎 贈上阮亭山東新城人

與櫟下論畫

乙巳夏 禎在青州真意亭爲先生題画册因憶辛丑

在揚州壬寅在真州前後爲先生題画賦詩不下三

四十篇今再而三矣將來與先生相見未知何地先

生方罹憂患居白門而 禎年來衣敗絮行荆棘泓穎

久廢追理前路倏忽又四五年感時撫事爲之流涕

先生烟雲供養雖入坎窞而天鈞泰然自當動免于

即上自是
情種一落
筆輒一往
情深

結隣集

卷之十二

險。第。不。知。先。生。披。覽。之。下。憶。青。州。曩。昔。之。言。亦。爲。慷。
慨。破。涕。如。禪。否。乎。

又

筆致楚楚
堪入世說
中

今春著屐京口、遊金山、竟過江、小憩玉山之避風館、
憑檻四望、江流瀾汗、遠山渺然、帆檣歷落、隱映岸側、
使人襟抱曠然、髣髴茲圖、間意晴窓、披對輒復一往、
有褰裳濡足之想、此故先生之移我情乎。

又

爾雅注蟲魚、定非磊落人、觀子韶所繪種種蟲魚、

其言非是

又

嘉定數君子。婁子柔號能古文。程孟陽詩工五七律。
絕得風騷三昧。長蘅畫舫逸品。風流照映。吳人至今
能言之。其時海內無事。諸老布衣。韋帶不出鄉曲。以
翰墨相娛樂。一丘一壑。何其都也。相去不數十年前。
輩風流。遂無復繼。俯仰身世。可爲慨然。不獨摹山擬
水之工也。

周明璣

叔魯魯臺江南上海人廣菴尊人
自鋤園稿

與朱質軒

魯臺先生
積學不遇
著述盈笥
共發後盡
歸視融僅
存春秋詞
命輯註一
種廣菴已
付之梓不
入行世尺
牘特先生
一斑耳

積書不讀。亦坐暴殄。汎覽博涉。等於漫遊。王僧虔誠
子云。往年有意於史。取三國志。聚置牀頭。百日復徙。
業曾未辨其指歸。終日自欺欺人。人不受汝欺也。山
谷答檀敦禮。漢書最好讀。然須依卷帙先後。字字讀。
過使一代事。參錯在胸中。便為不負班固。溫公言。學
者于書。少能從第一卷讀到卷末止。見何涉學士案。
上惟一書未終卷。誓不他讀。王緱山每讀書。自首至
尾。矻矻丹鉛。雖數百卷中。苛細箋注。不輕放一字。曰

讀書與立身相似。要須有本末。非可苟而已也。今架
上數冊。稍游其藩。輒厭倦棄去。鹵莽滅裂。忘前失後。
何曾受學問之益。直玩物喪志耳。

與謝益之

不敦厚安
得風流足
洗王謝千
古之冤

東晉王氏門風。寬恕。昆季子姪。皆篤實謙和。時號馬
糞諸王爲長者。惟劉真長王仲祖許元度支道林諸
人往來其門。右軍與謝萬書。亦欲教養子孫。以敦厚
退讓。令舉策數馬。彷彿萬石之風。觀此。則王謝家法
可以槩見。今人動言江左風流。若以爲浮薄者。然烏

結隣集

卷之十二

足以知王謝哉

與許同生

人守得一靜字。即天地鬼神且無奈何。況身外之升沉禍福哉。若吾儕直是懶骨。非有定力以主靜也。然因懶得靜。亦是因跛而緩步。未始非得策。

因懶得靜
亦救得一

下陸甥渭陽

趙承旨作字。雖戲寫亦如欲刻金石。其草稿點鼠塗注間。皆不苟且。程伯子書字時甚敬。謂非欲字好。只此是學蓋涵養之功。具是進一解矣。

大塗橫抹
直是放肆
耳書安得

周 寰 廣菴大瓢江南上海人
飲醇堂集 抱膝廬稿

與陳確菴

意見之累
出于嗜欲

學自除嗜慾而外。又當除意見。過不出於嗜慾。卽出於意見也。陶隱居。謨真誥。仙人男女。叅半。獨文士絕少。蓋意見爲累故。

與李滄葦先生

先生撰輯。何止等身連屋耶。四庫之奇。各以部分。十乘之藏。悉經手繕。某不敏。何幸盤礴其間。一快心目。如行山陰道上。應接忘疲。如捫索靖碑陰。坐卧不去。

觀止矣。特吾輩藿食人。終日瓢飲。先生維陳方丈。皆虬絲麟脯。豹胎猩唇。縱朶頤如飲河之腹。何

與沈貞居

腹虛氣通。味淡脾固。八字不獨養生要言。亦是貧居受用。持贈隱先生。亦坡公所謂獨享爲愧也。

與徐伯調

陸士衡欲賦三都。因太冲而閣筆。蔡伯喈欲賦靈光殿。緣延壽而輟翰。袁淑見謝莊赤鸚鵡賦。遂隱已作。魏朗見邯鄲淳曹娥碑。遂毀其草。蘭亭之會。王子敬

古人只是
小心服善
便事事占
地步

詩不成飲三觥。白樂天過巫山。因王無競沈佺期。集
甫冉李端有詩。竟不復作。歐陽公論文。因及子瞻。不
歎曰。三十年後。世人更不道着我矣。古人矜慎處。正
其高自位置處。其服善處。正其甘苦自知處。豈若今
世文人。相輕忌名。爭勝哉。

與沈友聖

栟櫚子生膚毳中。蓋花之方孕者。名爲櫻筍。蜜漬醋
浸。可致千里。蜀人以此饌佛。東坡以饋仲殊。詩所謂
贈君木魚三百尾。中有鵝黃子魚子是也。昔王方平

妙供令人
梁願

麻姑降蔡經家。各進行厨。無限羹膳。多是諸華。而香氣達於内外。僕凡庸。愧無仙緣。而喜攬草木。莢蔬。作食。往往得異味。然只是天隨生家法。窮餓無聊之所爲。坡老所云。誑口而已。莫將真率閒家味。說與朱門食肉人。彼肉食者。固有所不屑也。

與趙半眉

梵志翻著韢。人人道是錯。乍可刺你眼。不可隱我脚。雙井曰。梵志大修行人也。昔茅容殺雞。飭其母以草具。飭郭林宗。林宗起拜之。此翻著韢法也。弟所輯書。

取其適已。隻語單詞。輒薰神染骨。時賢好作才語。相向或不屑此。而弟顧樂之。亦翻著鞭法也。稿本先呈以當美芹炙背。

與賀天游先生

今日淨香池館。輕陰覆之。幸免炮炙。法融古德云。儒道世典。非究竟法。般若真觀。出世舟航。吾輩終日。戰然內焚。其和試間歇處。安在道悟云。任性逍遙。隨緣放曠。但盡凡心。別無勝解。此亦滾湯鑊中。立地一服。清涼散也。午後有以壽詩敦迫者。正王山陰所謂六。

山陰自號
龍菴末路
儘不難

月連朝。遍壽詩。詩本舒寫無聊。其魔又高十丈矣。

與黃增岸

曉登麗盧閣。閣峙萬松之巔。四山蒼翠。浮來僧寺。炊烟縷縷。出松腰。與雲物相雜。和閣中栖鴿。不可數計。天風穆如。幽竊若眩。官然而覺。慈憫之覆度也。

與董蒼水

寫得幽寂
別有况味
優船橫吹
人安足知
此

夜來急雨如拳。聽打篷點聲。聽閣上水聲。如雷轟砲。鉤客枕。秋眠喧中有寂。頗饒幽况。未幾蓬破。沾灑妨臥。覆以油綈。襪被仍濕。嗟乎樓船橫吹。容與中流。何

人哉

與沈貢園

佛言忍辱道訓和光乞八分書作齋聯更願共守此八字以保桑榆

與櫟下先生論畫

畫家老穉工拙俱屬第二義要須胸有萬卷筆無點塵學問文章之氣蔚蔚芊芊浮於楮墨乃爲可珍若不從此悟入縱費盡描摹徒成下品

一峰骨磊砢矣然氣自勃鬱海嶽氣磅礴矣然骨自

廣藝論
每多遠賞
所謂別峰
相見者也

蒼疎清閎之法關全猶田子方之師子夏也稍去其
結遂爾出藍要皆本於北苑如臨濟瀉山總是曹溪
一滴

畫有顏唐放筆而不嫌其漫有矜慎惜墨而不苦其
拘關捩在神理不當於筆墨求之

與宋荔裳先生

某
既作南華經傳釋自謂漆園之獨解矣已而寢
食焉坐卧焉似不容更豎一義更綴一辭益信稽昌
所云詎復須注爲確論也因信手拈其駢語倣士衡

連珠之式。演爲百首。以莊還莊。自呼自應。如醉盤駟。
兒隨手所得。莫不厭心。又如紅螺和尚釣灘時。有紅
蝦釣出。隨其所獲。都成游戲。猶詩家律陶律杜之遺
意云耳。

吳懋謙

六益江南華亭人

與芝麓先生

八音之中。惟絲最密。公文文中之琴瑟也。謙自顧殊
以疎野愧公。

與減齋

取芭蕉實雖不得實葉可用也公亦存其葉可耳

喬世埴

遺民滅堂江南上海人
大雅堂集

與潘九閑

凡事留有餘不盡所以師天地也

天地有無窮力量然一日纔到午便疾忙晦冥以蓄
來日之光華一年纔到秋便疾忙收歛以養明年之
發育人生才力分量幾何而事必欲做盡福必欲享
盡知巧必欲用盡是焚林而狩竭澤而漁如明年之
無獸無魚何

結隣集卷之十二終

